



元詩體要卷之七

姚江宋公傳編選

引體

序先後載始末謂之引樂府集有官商

角徵羽五引又言笙篥霹靂思歸等引是

上京也今取其合格而有與比感慨而諷

意者載之

玉環引送伯庸北上王士熙

崑山有美璞昆吾有寶刀推雪澆寒冰凝此英

瓊瑤團團月長滿。晶晶白雲淺似環。環無窮。寡  
寡人意遠。有美天山人。皎潔同精神。禁垣青春  
多。犬珮垂朝紳。腰無大羽箭。肘有如斗印。結束  
上京行。騶駒驟長鞞。不採珊瑚鈎。海深安可求。  
不執水蒼碧。漢庭羅公侯。愛此玲瓏質。題詩贈  
與客。百金一朝傾。三年不可得。只得只空行。山  
前琴峽鳴。摩挲龍門石。憶憶應留情。天門北極  
高。歸途踏霜草。不惜玉環分。只願君還早。  
元好問

天門引

元好問

秦皇深居不得近。後破衡成欲誰信。白頭遊客  
困咸陽。憔悴黃金百斤。盡海中仙人黃鶴舉。大  
笑人間爭腐鼠。丈人何意作蘇秦。六印終堪驚  
兒女。古來多為虛名老。不見阿房淨如掃。千年  
虎豹守天門。一日牛羊臥秋草。

蛟龍引

鮮于樞

古劍咸陽墓中得。抉開青天見白日。蛟龍地底  
氣如虹。土花千年不敢食。洪爐烈焰初騰精。橫  
海已覺無長鯨。世上元無倚天手。匣中誰解不

平鳴割城恨不逢相如佐酒恨不逢朱虛尚方  
未入朱雲請盟槃合與毛生俱誰念田文座中  
客只將彈鋏嘆無魚

感古引

于介翁

孔明梁父吟深不滿於齊相烏乎天若  
祚漢孔明不死天下事未可知吾於此  
重不滿焉

建安天下如潰瓜一榻之外非吾家黃屋飄飄  
定何許龍為魚兮虜為鼠老瞞詐力敢欺天桑

願羊鼎方垂涎紫髯將軍一攘臂控荆引越三  
千里慷慨山東大耳兒南飛烏鵲栖無枝草廬  
一語君臣契目中久矣無吳魏堂堂大義凜不  
磨靈關劔閣爭差幾昨夜西南一星落六尺之  
孤竟誰托渭水旌旗歸故都江上空存八陣圖  
抱膝長歌出師表古柏蒼蒼為誰老

華鯨引

鮮于樞

石上桐孫美如玉化作長鯨喚槽粥香嚴一擊  
六根開剝落皮毛換凡骨中即却顧中散驚初

非燬下鳴不平批鱗拔角就繩墨龍門綠綺瘖  
無聲昔聞北溟魚化作天池鵬今見橫海姿解  
作威鳳鳴蕭然敗葦材蠶爾闌撐龍騰虎變  
固有待不遇賞音徒爾靈君不見飯牛自賣亦  
何者逢時自致千秋名

清溪引贈合肥立太醫

戴帥初

清溪先生清不虛家世清溪溪上居走來紅塵  
三十載白頭猶誦清溪書清溪之書何所有肝  
膽照見囊黃初朱門甲第深遠遠寒漿暑液填

煩淤飛箋夜半一悶渠三彭二豎歌歎風塵  
不驚歌復咲沈濯臭穢通嘉蔬桑君上池在影  
響華佗戲禽同卷舒我生歷落窮無儲倩人不  
須煩掃除時時塵襟發孤悶徑欲往傍清溪漁  
舟砂雖佳柰官晚石髓可得非仙餘藥成早幸  
分乞我莫待持去騎蟾蜍

謠體

非鼓非鍾徒歌謂之謠宜隱蓄諧音而通  
俚俗若康衢黃澤白雲是也俗謠頗多今

取合聲調關世教者

望雲謠

元好問

涉江采芙蓉。芙蓉待秋風。登山采蘭苕。蘭苕霜  
早凋。美人亭亭在雲霄。鬱搖行歌不可招。湘絃  
沉沉寫幽怨。愁心歷亂如曳蠶。金支翠蕤紛在  
眼。春草苒苒春波遠。

寶劍謠

宋無

鉄精蒼玉龍。景潜萬丈虹。孤電走白日。老冰倚  
秋空。提出天地愁。八極來清風。未逢龍準帝。古

匣塵土蒙大蛇當道号。若斷秋蓬於乎寶劍号  
亦將遇手英雄

玉笙謠為鉄門笙伶周奇賦

張雨

我有紫霞想。愛君白玉笙。懸匏比竹無靈氣。昆  
丘採此卜二莖。鳳味啣明珠。凰翼排素翎。金華  
周郎妙宮徵。子晋仙人初教成。月下吹參差。群  
雛亦和鳴。緱氏山頭白雲起。七月七日來相迎。  
長謝時人一揮手。飄下滿空鳶鶴聲。

鞦韆謠

薩都刺

寒梅零落春雪洒蕭娘腰瘦無一把淡黃楊柳  
未成陰何人已繫青駝馬畫樓深處迎春歸鞦  
韆影裏紅杏肥濛濛花氣濕人面東風吹冷輕  
羅衣衣上粉珠流不歇暗解翠裙花下疊殷勤  
莫遣燕子知會向人間報風月

直沽謠

臧魯山

雜運東入海歸來幾人在紛紛道路覓身衢  
我蓬門絕冠蓋虎不食堂上肉狼不驚里中婦  
風塵出門即險阻何況茫茫海如許去年吳人

赴燕薊南風吹人浪如砥一時輸粟得官歸殺  
馬椎牛宴閭里今年吳兒求高遷復禱天妃上  
海船北風吹菟墮黑水始知溟渤皆墓田勸君  
陸行莫忘萊州道水行莫忘沙門島豺狼當路  
蛟龍爭寧論它人致身早君不見賈胡剖腹藏  
明珠後來無人鑒覆車明年五月南風起猶有  
行人問直沽

鬻孫謠

李兩山

白頭老翁髮垂領牽孫與客摩孫頂翁年八十

死無悔。憐汝孩童困飢饉。去年雖旱猶未熟。今年飛霜先殺菘。去年飢饉猶一粥。今年飢饉無餘粟。客謝老翁將孫去。淚下如絲不能語。零丁老病惟一身。獨臥茅簷夜深雨。夢回猶自誤呼孫。縣吏催租正打門。

淘金戶

蔡明

淘金戶。淘金大江側。水深沙淺淘不得。夜聞叫呼來打門。官司追課如追魂。呼童挑燈取金看。囊中所積能幾分。課多金少輸不及里。胥怒嗔

徐見繫賣金買寬限。金盡限轉急。歸來坐窓下。妻子相對泣。泣亦徒爾為。輸官不在遲。南莊有田。仍可賣。莫遣過限遭鞭笞。獨不見西家賣田。仍賣屋。戶戶通金猶不足。

越城謠

程邦民

越州城。城何高。四十五里之周遭。窪地填為基。坡坳鑿成壕。白晝鞭笞夜擊橐石。民之骨。灰。民膏。越城雖高。越民勞。越民勞未已。我田不畊。又科米。忙。忙築城。歸種未。又恐無米供官科。米



苗。未。青。得。新。雨。城。吏。打。門。夜。如。虎。為。言。雨。後。新。  
城。摧。要。我。荷。鋪。城。上。來。城。泥。不。乾。不。敢。回。又。恐。  
夜。半。聞。春。雷。城。頭。一。雨。城。一。動。越。民。登。城。向。天。  
動。民。心。似。與。雨。有。仇。天。意。實。謂。城。無。用。當。年。當。  
年。天。下。平。天。下。無。賊。越。無。城。乃。知。在。德。不。在。兵。  
願。無。脩。城。願。脩。德。使。民。復。覩。無。城。日。

信州糧謠

信州糧糧何艱十鍾一石萬里間朝發錢玉隄  
暮過嚴子灘拖尾白浪如銀山朝渡蘭溪州莫

泊龍丘灣峻如牽車上鬼閔督吏持檄夜如箭  
布帆無風河水乾去年糧船未及岸今年又運  
八百萬只知彼地荒不知浙東天亦旱只知彼  
民饑不知後戶家無飯家無飯德莫愁願化鉄  
騎為耕牛願銷鋒鏑為鋤耨戰場闢作畝與溝  
壯士負戈荷甲歸西疇風雨時調禾黍秋禾黍  
不秋飯不足浙東又移何郡粟

黃鵠謠題余節婦詩卷

李孝光

黃鵠黃鵠北牡相隨遊于四海不識別離始妾

八元詩卷七  
結髮時與君年相齊一朝納伉儷百歲以為期  
柰何手中路而捐子與妻且君之祖妾逢百羅  
父母將我去親戚奪我志言云為我志言云為  
我計長久祇令增傷悲憶君垂訣託我孤兒我  
嗔君言柰何見疑晨起作羹與麩欲持飴阿誰  
嗟我不如黃鵠將子與婦至死相隨飛我寧用  
生為我寧用生為眾人何知惟餘天知

茅山謠

道人兩鬢青如蓬天醉上山排青天青天蕩蕩

玉盤出引手舉盤天上懸銀河倒掛桂樹影長  
風吹香落丹井地上小兒露玉馥白兔急擣玄  
霜熟悄悄仙家十二樓夜半起拂跋烏浴手招  
茅君叫列仙帶劍上立紅雲前茅君騎虎上天  
去道士乞我明霞篇

小姑山謠

歐陽應丙

小姑近在水平中央薜荔為衣蘭佩香翡翠翥翼  
青霞光宛其螭首蛾眉長紫金芙蓉出綠波白  
玉臺鏡開青螺涉江浩蕩興無極臨風窈窕揚

清歌大姑阿姨寄傳語相望烟波柰何許日暖  
江南滿白蘋金釵落地湍風起

廬山瀑布謠

楊維禎

甲辰秋八月十六夜予夢與酸齋仙客

遊廬山各賦詩酸齋彭郎詞予賦瀑布

謠

銀河忽如瓠子決瀉諸五老三峯前我疑天孫  
織素練素練脫軸垂青天便欲手借并州剪剪  
取一幅玻璃烟相逢雲石子有似捉月仙酒喉

無耐夜渴甚騎鯨吸海枯桑田居然化作十萬  
丈玉虹倒掛清冷淵

走狗謠

走狗匍匐走狗匍匐帝騎赤龍呼狗逐鹿兔既  
死雕亦追鹿馳鹿走軼道窮無歸赤龍赤龍上  
天飛歸來雌雉作雄吼長樂宮中烹走狗嗚呼  
兔死狗烹狗及豨如何不存走狗制雉雞反殺  
走狗聽鷄啼

舶上謠送伯庸以番貨事奉使閩浙 宋本

江華江月要才情多病堪憐馬長鄉莫向都門  
折楊柳帝鄉春色不南行

又

流球真螭接閣婆日本辰韓歲朔倭番江去時  
遺矸石年年到處海無波

又

未張死去十年過海寇凋零海賈多南風六月  
到岸酒花股篙丁柰樂何

又

湧金門外是西湖堤上垂楊盡姓蘇作得吳越  
阿誰唱小御墳上露蘭枯

又

舊時家近黑橋街三十餘年不往來憑仗使君  
一問訊楊梅銀杏幾迴開

又

閩中父老白鬚老子風流記得無昔日郎君  
騎竹馬如今使者駕輶車

又

素馨花畔十八娘炎雲瑞露酌天漿一日饌厨  
三百顆使君館券莫支羊

又

薰陸胡楸膻膻膻明珠象齒駭雞犀世間莫作  
珍奇看解使英雄價盡低

又

東海澄清南海涼公厨海錯烹壺觴却君素好  
江珧脆水母綠明烏賊香

又

明年歸路蹋陽和缺勝輕衫剪越羅春風通惠  
河頭路還與官家得寶歌

詠體

詠之言未

也嗟嘆之不足故求

歌之如曹子建三良詩陶淵明之詠荆軻  
詠賁士頽延年五君詠是也今劉靜脩詠  
史含諷意趙松雪逸民懷隱情元遺山湘  
夫人得錦囊句此皆詩法之妙不可無也

四皓詠

劉因

元詩卷七  
十一  
晉侯在漢廷四老在南山不知高祖意但欲太子安一讀鴻鵠歌令人心膽寒高飛橫四海此雞生羽翰孺子試可教從容濟時艱平生無遺策此舉良可嘆出處今誤我惜我不早還何必赤松子商洛非人間

逸民詠

趙孟頫

驅車秣駕馬吾將適齊國聞有魯連子調儻好奇畫一談秦師走再說聊城後功成不受賞高舉振六綸布衣終其身豈復為世後茫茫千載遠安往訪遺跡躊躇東海上向風長太息

又

四時相代謝榮耀安足恃瓜田引新蔓不見桃與李知士解其會遇坎當復止邵生故秦吏乃亦暗茲理賢哉感我懷三嘆不能已

又

子真初亦仕歲晚乃逃之區區南昌尉上疏忘其卑忠信不見用耿耿當告誰飄然棄妻子終身與世辭抱關甘貧賤所責莫我知至今九江

元符卷七  
三  
瀆清風激群黎神仙信茫昧此士獨不疑孤雲  
無定在逝水何時歸遐思一矯首悵望無由期

又

悠悠空山雲泱泱長江流廊廟意不屑山澤聊  
淹番故人在天位高步追巢由豈曰子無衣辛  
苦被羊裘東京多節義之子乃其尤窮居雖獨  
善輔世豈不優

又

汪汪千頃陂不為人濁清道周言行表蕩然無

得名誰言牛鑿兒乃是人中英當時無間言後  
世流德聲思之不可見使我鄙吝萌淳風又已  
漓此意豈復存時無君子者雖賢寧見稱

又

南州有高士食力事耕稼漫游聊卒歲不矯亦  
不隘大木行欲顛紉纒豈足賴何為諸老翁栖  
栖不遑舍斯言非無見明哲自高邁誰能懸一  
榻待子來稅駕

又

鹿門何亭亭下有避世賢  
鳳雛隱林中臥龍蟠其淵  
一朝起高翔斯人獨深潛  
功名不可為我志久已安  
一聞耆舊傳使我心悠然

又

黃鵠羽翼長一舉思千里  
幼安本中原乘槎走東海  
舉世方尚同遠引存吾志  
流風漸異俗敦禮化鄰鄙  
子魚平生友胡乃不相委

又

塵世非所便田園久相招  
歸來三徑中蔚蔚長蓬蒿

雖有荷鋤倦濁酒且陶陶  
茫茫大化中委運將焉逃  
唐虞去已遠由來非一朝  
繁繁霜中菊采采忘其勞

湘夫人詠

元好問

木蘭芙蓉滿芳洲白雲飛來北  
渚遊千秋萬歲帝鄉遠雲來雲去空  
悠悠秋風秋月沉江渡波上寒烟引  
輕素九疑山高猿夜啼竹枝無聲墮  
殘露

女史詠 十八首

楊維禎



李夫人

金屋君王獨有情  
少翁冤鬼夜張燈  
可堪一死  
既猶烈身蒙胡塵  
到李

鈞弋夫人

捷儀未換母儀尊  
聞道君王曰寡恩  
太子宮中  
無木偶可無鞠域  
到堯門

伏生女

老子當時無女雛  
秦灰安得見全書  
中即有女  
能傳業傳得胡笳  
業不如

班婕妤

長門不用買多才  
紈扇炎涼善自裁  
五鬼一言  
能寤主秋飄愁殺  
聖恩臺

趙昭儀

通仙門裡春晝長  
侍兒新擁試蘭湯  
君王空散  
黃金餅不見宮中  
赤鳳凰

主氏后

沙棠鍾靈六百年  
存劉一璽忍輕捐  
老天有意  
母天下黃霧如何  
塞九天

負南風

誠情鳴蛙苦不夫籠箱下取洛城奴宮中得子  
如銅馬豈特琅琊續換駒

綠珠

百斛明珠價莫加高樓投壁壁無瑕臨春不死  
燕脂井又逐降幡上檻車

馮小憐

前山校獵御同車一咲平陽等戰蝸換得后衣  
總上馬琵琶自屬代王家

獨孤台

別宅猶容駕短轅獨孤苦以妬虧賢他時崔婦  
生家禍晉邸安孃寵自專

武后

忠良斬刈苦芟莠乳虎蒼鷹積滿朝可是唐臣  
無杜伯危心只忌六宮猫

楊太真

萬花叢裡澤初承紫磨金搖不自勝義髻早知  
無死所不如生不負青陵

王凝妻李氏

山店孤兒背面啼玉腕一解軟如泥當時義勇  
能相敵木葉山中亦有妻

聘聘

冢上白楊今十年樓頭燕子尚留連銅臺多少  
丁寧恨誰向西陵望墳田

韓蘄王夫人

巫家卜偶不為嫌優女占夫事更堅看取異時  
真畏友九重書上議黃天

宋度宗女嬪

一曲高歌玉樹秋小嬪端解替人愁葉妃只解  
傷春泣之死何知恤縉憂

青峰席王氏

介馬馱馱百里程青峯後夜血書成只因劉阮  
桃花水不似巴陵漢水清

女貞木楊氏

守死重關志不睽九泉不負陸郎妻至今墳上  
女貞木不受商陵怨鳥栖

吳諫十章

錦娃宮裏落花多  
春色撩人可柰何  
南省風流  
文架閣宮才解賦  
館娃歌

又

曾侍虛皇第二筵  
鉄仙輕脫故依然  
江州坐上  
初相見還識人中孟萬年

又

杜牧尋春苦未遲  
水晶宮裏舊題詩  
小鬟莫訝  
腰如束善唱白家楊柳枝

又

馬上郎君出帝城  
瓊林宴裏記相迎  
吳山吳水  
新迎送學唱陽關第四聲

又

淮南八月鴈初過  
奉使棹迴烏鵲河  
十里揚州  
花底散五陵年少已無多

又

夏駕湖頭朱雀舟  
湖光山色不勝秋  
丘中不見  
全銀氣臺上閑看麋鹿遊

江上楝花鑲石心江南腸斷越人吟南垣閣老  
多情甚才見楝花便抱琴

又

鳴夷仙去五湖船故國何人憶計然昨夜洞庭  
秋水長夢聞廣樂下釣天

又

黃菊初華客未歸登高自試苧羅衣真娘墓下  
好紅葉伍王祠第多翠微

又

地行仙子羊權家曾降山中萼綠華三十六橋  
明月夜蘇州城裏有瑤花

客樓小詠

樓下飛塵障日紅樓頭百尺有元龍五更酒醒  
風雨作臥聽行人踏曉鍾

又

兩餘樓閣長如畫雲外笙歌不識愁借問主人  
新句好灞橋只在朱橋頭

龍虎山四詠

貢師泰

金雞山

巨靈劈山石飛出黃金雞至今山下人猶聽雲  
中啼

象山

載寶出西域獻琛自南溟仙人一叱之化作青

嶺

龍井

寶劍落深潭時時見光恠鱗甲飛上天白晝風

雨快

雲臺山

天星二十八下作漢廷將功成歸帝榜精彩射  
石上

篇體

篇編也寫情鋪事明而編也觀曹子建  
之名都美女白馬諸篇可見今所取者  
如寶劍之誓雪圖耻節婦之足厚風教  
凌雲之脫屣聲利上陵者冬青塚之寓

諷感意真明而且徧者也

寶劍篇

曾敷言

千金買寶劍氣燄凌清秋指天星斗動刺水蛟  
鱷愁坐起常佩之誓與報國仇比斬單于首西  
斷涉車頭還報漢天子掛劍崑崙丘

翟節婦篇

錙因

易之西山乃有婦人曰翟氏年二十餘  
其夫從軍死於所事出入兵刃徃復數  
百里晝伏夜行以其屍歸負土而葬之

既葬自以早寡無子遭時如此思以義  
自完乃自決於墓則隣里救而復蘇終  
始一節今八十餘年矣

兵塵浩無際烈士難自全婦人無九首志欲不  
二天燕山翟氏女既嫁夫防邊一朝聞死事捷  
婦增慨然生有如此夫早寡非所憐求尸白刃  
中負土家山前事去哀益深義重身可捐無兒  
欲何為所依惟黃泉鄉隣救引決恐日舟衷懸  
誰辨節孝翁重賦睢陽賢我昨過其鄉山水猶

清妍聞風髮如竹飄蕭動踈烟千年吟詩臺幾  
幾大寧巔為招馮太師和我節婦篇

凌雲篇

范梈

往與凌雲山人披虎豹謁太清是時東風滿瑤  
京綠楊三月聽流鶯君隨掛席湘江行予亦騎  
馬趨承明手把宮袍厭縛身却憶南溟有縱鱗  
四年辭海嶽一舉上星辰逢君却向凌雲下心  
上經綸甚瀟洒半夜清猿四合啼長松古月照  
回溪桃花原上路一去意都迷我本凌雲峰畔

客何日相從卜其宅早服還丹生羽翼共脫朝  
衣掛青壁

美人篇

貫雲石

仙風雕雪玲瓏温吳姬剪月纖纖昏行雲補髻  
翠光滑滑鳳凰叫落空山月手摘閑愁八字分春  
山恨重畫不伸肌穠汗膩朱粉勻背人揮淡粧  
無痕霜刀自製石掃裙閉門不識朱王孫綠烟  
薰煖藍田玉羅帶隨風換粧束飛鳥啣愁過長  
門芳菲不忍韶華屋連環步窄玉珮響霓裳袖



關東風長釧瑟腕瘦覺多情舉指搔天天亦癢  
枕香帳冷蘭燈沉落花不入芙蓉衾三山路杳  
銀河深彩鸞高舞愁人心天與美人傾國色不  
如更與美人節夢裏梅花夢外身萬古千年一  
明月

遠遊篇

范叔中

仙人手把金芙蓉邀我上陟蓮花峰兩眼注入  
滄溟東浮雲遮斷扶桑宮白日西飛恐成暎駕  
天五色橫長虹鳳凰儀羽脩珍彩欲集不集無

橫桐冥冥杳杳脫羅網亦有數點南飛鴻怒鯨  
崔嵬鼓鱗鬣浪中鎖脣多沙虫從今喚起人中  
龍披虎豹謁九重舞干羽息武功泰和世上皆  
春風是時勒石留鼎鍾左招黃綺右赤松長歌  
歸去來山中長歌歸去來山中

送衣篇

周德可

長城萬里飛秋沙弓馬夜驚雪作花龍泉吐光  
射天地是妾掩鏡夫舜家此時惜別方壯年壯  
年花發園中烟征鴻無書日苦短牛女夜夜銀

河邊萬瓦欲霜楓似綺親送寒衣數千里  
甲鸞鶴影鳳孤飛山過望夫道湘水湘水無情漾  
白波望夫山石浮青螺長途行處意慘愴誰家嬌  
女終夜歌衛霍功高猶黷武善馬未歸羝羊乳  
関河回首路迢迢愁雲西山水南浦夕陽孤館  
停征輶一身百慮雙涕交中宵無人語聲絕風  
吹燭短山月高

上陵者篇

楊維禎

步出城西関松栢鬱盤盤道逢上陵者手持西

陵田借問塋者誰大將塋衣冠大將非戰死軍  
士吞刺罕健兒啖人鮓無骨賜桐棺

冬青塚篇

老羝夜射錢塘潮天山兩乳三氣消禿妖尚厭  
舟拔山山不動江南石馬久不嘶塚上冬青今  
已拱百年父老憤填胸不知巧手奪天工冬青  
之木鬱葱葱六楨更樹蒲門東

禽言體

禽言鳥語也皆因其自呼之名而名之宋  
梅聖俞蘇東坡朱文公俱有詩今所得者  
詞麗而意婉必假喻以達事情使  
人快觀而易悅似勝於前人之音格云

四禽言

梁棟

不如歸去錦官宮殿迷烟樹天津橋上一兩聲  
叫破中原無住處不如歸去

又

脫却布袴貧家能有幾尺布織盡寒機無得裁

可人不來應叔度脫却布袴

又

行不得也哥哥湖南湖北春水多九疑山前叫  
虞舜柰此乾坤無路何行不得也哥哥

又

提葫蘆年。來酒。賤頻。頻沾。來人。皆醉。我亦醉。來。  
哉。誰。問。醒。三。問。提。葫蘆

八禽言

桂瓌

姑惡姑惡姑不錯姑惡何如小姑惡小姑諧妾

生。間。言。遂。令。婦。姑。情。分。薄。朝。喚。暮。逐。去。不。辭。玆。  
鮭。誰。供。膾。誰。斫。但。願。小。姑。他。日。嫁。兒。夫。還。遇。惡。  
姑。如。小。姑。

又

提。壺。提。壺。復。提。壺。提。壺。沽。酒。何。處。沽。彭。澤。公。田。  
誰。種。秫。臨。邛。女。子。羞。當。壚。客。來。煮。茶。度。寒。夜。杖。  
頭。不。用。懸。青。蚨。提。壺。提。壺。勸。爾。即。緘。口。覆。爾。居。  
巢。碎。爾。首。

又

婆。餅。焦。婆。餅。焦。阿。婆。製。餅。婦。為。燒。爐。紅。火。烈。餅。  
成。炭。婆。恣。逐。婦。歸。蓬。蒿。化。為。異。物。身。羽。毛。至。今。  
街。怨。語。聲。高。婆。餅。焦。婦。休。逐。少。待。來。年。新。麥。熟。

又

脫。布。袴。脫。布。袴。人。情。好。新。皆。廢。故。古。來。聞。有。韓。  
昭。侯。此。日。那。逢。廉。叔。度。千。需。萬。索。杼。軸。空。今。年。  
新。衣。在。何。處。脫。布。袴。風。雨。寒。脫。時。容。易。換。時。難。

又

三。箇。半。布。積。絲。累。寸。盈。尺。度。下。機。先。製。老。姑。衣。

志使天寒被故絮。壘中止有半。四存征人書來。  
索。襦袴布已盡。秋又風。妾身依然單。過冬。

又

不如歸。不如歸。山川良是。人民非。風波途路多。  
險。戰車摧舟覆。將安之。穀城黃石待已久。上蔡  
蒼鷹悔却遲。不如歸。歸及早。白雲滿地無人掃。

又

泥滑滑。泥滑滑。莫雨瀟瀟。暝雲結苦竹。岡頭虎  
跡新。黃蒿城外人踪絕。僕夫麻粟步莫前。瘦馬

凌兢愁仆蹶。泥滑滑。何時乾。出門咫尺行路難。

又

行不得也。哥哥千呼萬喚。柰爾何。黃陵花落暗  
春雨。湘江水深。生素波。奮衣出門。天地窄。仗劍  
欲往。旌旗多行不得。早歸來。只今誰掃黃金臺。

元詩體要卷之七

元詩體要卷之八

姚江宋公傳 編選

香奩體

唐人用此體言閨閣之情乃豔詞也與玉臺體相侶今人倣之者雖多要之發乎情止乎禮義者則少故取而列于左云

香奩 四首

黃伯暘

與君生別離  
朱簾長不開  
春風故相撩  
燕子雙  
歸來

又  
雙雙相思鳥飛上相思樹相思雖不同同是相思苦

又

昨夜海棠花睡足西窗雨春夢苦無憑知在阿誰處

又

下階拜新月空庭夜如水相思隔千里未有團圓意

香奩八詠

翠袖啼痕

石竹綉羅雙袂單綺窓日暮籠輕寒秋波滉漾  
落鉛水相思幾點春斑斑晴濃粉膩半塵土玉  
臂嬌柔嬾輕舉東風十日吹不乾六曲闌邊海  
棠雨

黛眉顰色

落花雨歇春日西楊柳瑣烟鶯亂啼玉人絨帳  
不能語兩蛾對蹙春山低離愁一味如膏膽額

上蘭煤香半減。風流京兆。知不知。它日歸來看  
濃淡。

月奩勻面

楊州青銅出深井。粉綿拂拭冰光冷。粧樓箕  
揉紅玉。素娥飛出。嬌相並。櫻唇歛氣不敢呵。脂  
濃粉淡。勞指磨雙鸞。掩罷出門去。一陣落花紅  
雨過。

冰盆沐髮

井花滿注玻璃綠。一片春澌瑩如玉。晴窓解下

十八鬢。三尺青絲。漾寒淥。蘭膏洗盡香膩消。滿  
手綠苔新葉。潮露蟬翅。濕飛不起。花霧曉收。紅  
日高。

綉床凝思

碧紗如霧針如芒。茜紅絨索三尺長。越羅幅寬  
金縷細。綠波飛起。雙鴛鴦。匿蘭含蕙春無語。一  
寸柔腸。手萬緒。青鸞錦字。期不來。恨滿城南杏  
花雨。

金錢卜歡



寶鏡菱香暗紫烟玉葱粘出雙團圓春心一點  
怕入識舉頭暗語蒼蒼天欲擲未擲還再祝聲  
動瓠犀三十六小桃開後是歸期分付陰陽莫  
翻覆

香塵春迹

七寶方床冰樣潔軟粉半鋪紫檀屑凌波小靴  
曉痕輕一鈎淺印纖纖月金蓮襯步身欲浮鴻  
沙踏破春應羞贏得纖腰柳枝瘦珠百斛知  
誰收

霜杵秋聲

青娥篩空水粉乾石光如鏡敲清寒更長月白  
響不絕碧梧驚起雙棲鸞堂上阿姑身未暖千  
音萬韻勞玉腕要使離人枕上聽憑仗西風莫  
吹斷

又八詠

錢樞

金盆沐髮

一片香雲濕不飛翠光浮動影娥池盈盈蟬翅  
含風冷剪剪鴉翎帶雨垂泉沫亂跳珠錯落指

尖微露玉參差粧成倦把闌干倚滑墮金釵不  
自知

月奩勻面

春盡花枝瘦幾分曉粧不覺暗消菟羞蛾謾自  
橫眉黛薄粉何由掩淚痕青歲不留人易老翠  
鸞飛去影空存愁來相塞成長嘆噓得清光慘  
欲昏

玉頰啼痕

愁思無心整玉容幾番花下立東風漬殘嬌靨

娟娟翠界破蜂黃縷縷紅羅袂搵時香欲溢春  
纖抹處暈微融小環欲解人憔悴咲指梨花暮  
雨中

黛眉顰翠

悶拽羅裙下玉除小桃花下立踟躕幾分春色  
傷心處一點梅酸濺盡初山蹙空青渾欲暝柳  
緘寒綠未全舒龍沙北勝三千里倚遍闌干思  
有餘

芳塵春跡

按舞霓裳點拍頻紫鸞簫底步香塵故將羅靴  
雙鈎玉踏破紅雲一片春殘月淡籠烟漠漠並  
鴛交卧水粼粼莫教燕子嚙將去留向東風擬  
洛神

雲窓秋夢

桂花香冷夜沉沉睡熟銀屏小鳳衾香香不辭  
湘水遠悠悠直過楚雲深紅椒樹底鴛鴦比黃  
葉風前蟋蟀吟預報砧聲莫驚覺暫容攄盡別  
離心

綉床凝思

綠窓人靜畫厭厭拋却金針懶再拈香臉托殘  
紅一線黛眉蹙損翠雙尖愁如亂絮隨風落恨  
似飛花帶雨粘小玉謾將簾幙捲忍看雙燕拂  
雕簷

金錢卜歡

寶鴨香飄篆綫浮金錢倒擲思悠悠雲邊昨夜  
聞歸鴈花外何時聽紫騮幸得如期猶慰意若  
為歸晚更添愁無憑莫似簷間鵲幾度空教倚

畫樓

香奩踏莎行八闋

王德璉

金盆沐髮

寶鑑凝膏溫泉流膩瓊纖一把青絲墜水膚淺  
漬。謝煤春花香石髓和雲洗玉女峯前咸池月  
底臨風細把犀梳理陽臺行雨乍歸來羅巾猶  
帶瀟湘水

月奩勻面

水鑑懸秋。琉璃腮凝素鉛華夜搗長生兔。玉容自

擬比姮娥粧成又恐姮娥妬花影涵空蟾光籠  
霧芙蓉一朶溥清露年年只在廣寒宮今宵鵲  
影驚相遇

玉頰啼痕

粉凝紅冰香銷榻髓鏡鸞影裡人憔悴梨花帶  
雨不禁愁玉纖彈盡東風淚恨鎖春山嬌橫秋  
水臉桃零落胭脂碎故將羅帕濕薇蕙寄情欲  
比相思字

黛眉顰色

淡掃春痕。輕籠芳靨。捧心不効。吳宮怨。楚梅酸。  
蹙翠尖纖。湘烟碧聚。愁萋舊。絳絳羽寒。窈月鈞金。  
灑鶯。吭咽。處微偷。歛新翻。嫵態太嬌。鏡中蛾。  
綠和香點。

芳塵春迹

金谷遊情。消磨不盡。軟紅香裡。雙鷓印。蘭膏步。  
滑翠生痕。金蓮脫落。凌波影。蝶徑遺踪。鴈沙凝。  
潤為誰。畱下東風恨。玉兒已化。夢中雲。青蘋流。  
水空仙詠。

雲窓秋夢

烟冷瑤稜。神遊貝闕。芙蓉城裡。花如雪。仙郎同。  
躡鳳凰翎。十門萬戶。皆明月。海碧山青。天荒地。  
老。滿身風露。飄環玦。高樓畫角。苦無情。一聲吹。  
散。双蝴蝶。

綉床凝思

翠藻文鴛。交枝連理。金針停處。渾如醉。楊花一。  
點。定春心。鶻聲啼斷。人千里。喚醒離魂。猶疑夢。  
裡。此情恰似。東流水。雲窓霧閣。沒人知。綃痕羶。

透紅鉛淚

金錢卜歡

暗擲龍文。尋盟鸞鏡。龜兒不似青蚨準。花房羞  
化彩蛾飛。銀橋密迤仙娥信。錦屋瑤樓。薄情飄  
性。碧雲望斷紅輪暝。珠簾立盡海棠陰。待溫遙  
夜鴛衾冷。

續幣 二十首

楊維禎

學琴

阿瑛胡笳不足傳。離鸞別鵠意凄然。請即為洪

筆。慧耳不惜為郎彈絕絃。

學書

歌徹陽春酒半醺。玉尖搦莞蘸香雲。新詞未上  
鴛鴦扇。醉墨先污蛺蝶裙。

演歌

鴛鴦舌巧言猶獠。字字使君親口教。今日金錢  
初受賞。倚聲同合鳳凰巢。

習舞

十六天魔教已成。背反蓮掌苦嫵生。夜添不帶

排場歌尚向燈前蹋影行

上頭

新年擺鬢及笄期雲縉盤龍一把絲掩鏡問人  
人盡道南梳北髮總相宜

染甲

夜搗守宮金鳳蓋十尖盡換紅鴉鬢閑來一曲  
鼓瑤琴數點桃花泛流水

照畫

畫得崔微卷裡人菱花秋水脫真真只今顏色

渾非舊燒藥燥頭過一春

理繡

揀得金針出象筒鴛鴦雙刺扇羅中却嗔昨夜  
狸奴惡爪死金床五色絨

出浴

初訝洗花難抑按終疑沃雪不勝任豈知侍女  
薰帷外刺取君王數餅金

甘睡

漏減良宵晝日遲困人天氣酒中時東家女伴

太嬌劣偷解裙腰竟不知

相見

酥凝背甲玉襪有只訝紅綃覆白蓮底事太陰  
藏火性狂夫夜夜為君然

相思

深情長是暗相隨月白風清苦苦思不是東姑  
痴醉酒慢天席地了無知

的信

平時詭語難為信醉後微言却近真昨夜寄將

雙豆寇始知的的為東鄰

私會

月落花陰夜漏長相逢疑是夢高唐夜深偷把  
銀缸照猶恐慙奴瞰隙光

成配

眉山暗淡向殘燈一半雲鬟撒枕稜四體着人  
嬌欲泣自家揉碎研繚稜

洗兒

曾向金盆弄化生寶珠親見掌中擎從今不帶



宜男草豆寇含胎恐太

秋千

齊雲樓外紅絡索是誰飛下雲中仙  
颯風吹起望不極一對金蓮倒插天

蹋鞠

月牙東靛紅幪首月門脫落葵花斗  
君看脚底軟金蓮細蹴花心壽即酒

釣魚

敲針作釣投水隅豈圖口味膾玉餘  
鯉魚腹裡

牽芳餌萬一行大有素書

走馬

胡仗牽來掣赤撥輕身飛上電一抃  
半兜玉鏡裹湘裙不許春泥汗羅襪

陰何體

祭陰鏗子堅與何遜仲言以能詩齊名其

詩清深穠麗號陰何體今得四家之作其

詞致婉約音聲合比亦彷彿二賢之體裁

以句語較之終不若本體之圓美云

王拙畫吳王納涼圖應制之同虞集

雨過太湖上風生響屨廊紅綃拂几席白紵製  
衣裳朱光淪厚地明月在高堂何以保玉體長  
年樂未央

送吳子高

懷寶獻京國悼亡還獨歸日落雲中樹風吹江  
上衣湘靈瑟在席織女石支機遠道多寂寞疆  
飯勿相遠

辛澄蓮花觀音像應制

揭莫斯

至人不可測宴坐青蓮花珠纓被玉體白豪貴  
彤霞從何得此相來置玉皇家

送人歸豫章

積雨霽徂夏故人今日歸手持毛生檄身著萊  
公衣玉樹掛秋月丹萸揚曉暉東湖徐孺子應  
恠父相違

大口迎駕和觀應奉韻

余闕

晨光開翠嶠廣路淨炎氛玉獻度流水華蓋爛  
葉雲既御大宛馬還朝鯁海君都人望旌纛樂

哉過采芹

大別山古栢

二曦表嘉瑞孤根託漢坻已知枝幹古誰徵疏  
鑿時玄泉上靈液玉露濯華姿間厠七寶樹比  
儼萬年枝願奉蒼蒼色千秋長若斯

賦得蛾眉亭送杜德常御史赴南臺

江亭望華嶸望望似脩眉掃黛偏能巧含顰知  
為誰娟娟微雨裏脉脉夕陽時千里乘駝去因  
之傷別離

賦得春鴈送司執中江西憲幕

微風起蘋末旅鴈尚回翔乳鴨嬌同啜新蒲短  
可藏應懷洞庭水非避塞垣霜客路煩懷舊題  
書寄帝鄉

賦得君子泉送彭公權為黃州教

君子歿已久遺井齋廊中本寓思人意兼全澤  
物功銀床駁故蘚玉甃落寒銅幾日趨官舍橫  
經誦養蒙

賦得慈恩寺塔送李惟中侍御之西臺

祗樹塔廟古締構出星辰華玉裁文陞金銅結  
綺輪高標跨雙闕迴眺極三秦攬轡霜臺下題  
名繼昔人

賦得九里松送吳左丞之江浙

結駟向青郊松陰九里遙言從天竺寺直渡小  
春橋偃蹇成芝蓋蕭瑟蔭蘭橈相送將何贈期  
君保後凋

有所思

春風起寒色春衣方重重新粧卷羅幕清唱入

行雲艷色若流月芳澤訓蘭芬嬋娟信無度我  
思何在君

齊河節婦

河水北流急人家臨廣川桑柔初覆瓿苗生復  
滿阡似聞田畯遠益知寡婦賢吾徒能捆屨亦  
願共鄉田

飲散畲盧使君

契闊思相見留連及此辰長江映酒色細雨苦  
歌塵所喜襟懷共由來態度真何時洗兵馬得

與孟家隣

題合魯易之山水

窓中望蒼翠春水起晨霏孤嶂總尺長  
合園蕭蕭此仙客日日候岩扉念爾空延佇  
孫且未歸

送王關赴泗水打捕提舉

蒼茫吳楚會縱橫淮液流春水未泮渚  
生洲揚旌朱樓前張獵青山幽獸功效  
致公子襄消搖足為樂何嗟晚不侯

賦得琵琶峯送人降香龍虎山

瓊峰毓奇態高高出先天柄超琳闕迥盤影  
池圓別標蒼樾回窓蓄紫烟淙流如度曲  
蔓似長弦肖像生儀始希顏太古前雖無羅袖

常映礪花研子有靈侯枝能彈大道篇幽香

一臨眺天際意飄然

竺雲為曇上人作

李孝光

雲來自西極駘蕩復委蛇影度流沙曉峯臨鷲  
嶺奇從龍飄宛轉觸石架  
光擬圓七紫有

同玉葉垂芙蓉連華岳綺藻映天池五色生祥  
瑞賢人懷羽儀

玄真館飲酒分韻得衝字

良朋謝恂邑仙賞屬玄冬野淨梅將發山乾雪  
不封生萸近芳節出日媚川容愁用詩滿浣寒  
憑酒折衝幽人每多俗子自無踪聊以共娛  
悅詎知縻萬鍾

聽雪為趙本初作

玄冬易蕭瑟積氣但清寒夜嚴方有覺天靜不

成囂深坐愁如見微聞去已遙新暉留素魄研  
密屬纖腰聲知拂竹花重想封條高居爾景  
樂難技俗人標

題李子雲白雲窓

白雲如白月宛宛復離離青霓依澗出玉葉映  
簷垂詎聞飛花度還同病鶴窺紛暉含戶隴倒  
影散園池近看吁欲落佇立意俱遲坐臥常相  
對成峯晚更奇

送人歸吳中

揭莫斯

三月酒如灑高堂絲竹停綉筵雙鳳影珠箔亂  
鶯聲疊應紅牙拍舜傳金縷名絲雲低不度芳  
塵暗自驚花發長洲苑日照闔閭城且奉千金  
壽寧忘萬里情

送孝高悼亡歸岳陽

都門落葉滿遊子去京畿忍聽離鶯操逐秋  
鴻飛愁霜曉入鏡淚雨夕沾衣烟樹黃汀岸威  
威采石磯平沙寒雨暖熹熹客心閑轉  
切鄉書近却稀夢聞兒女泣行將童僕依竊暮  
漆園園誰云潘岳非乘濤慣不險迴江墜若園  
武昌未易到更向岳陽歸

聯句體

聯句者在坐之人角其才力率然成句聯  
終成章對偶親切類乎跨竒閑盛也石鼎  
聞雞可見矣李夫人何足多哉是編亦是  
以見其葩辭藻思之勝觀者幸勿易之

遠遊聯句

袁衷

壬寅冬與伯長同晉姑蘇時伯長將赴

都

海鷗跨南雲一去挾浩蕩宛駒踏北雪絕足追  
罔象宵征車載脂楠明發燈在幌行邁念悄悄  
離愁懷養養遠吳始接浙哀過越猶指掌虹網  
結長思羯鼓促新響觴至不復辭楠駕逸誰能  
彷彿明堂企棟梁武庫須篠蕩材同瑚璉英哀學  
媿蓬麻長一施朱弦清小薦金莖沆雲間鶴孤  
唳楠天外鴻橫上曉舫斫輕冰午店憇手壤追  
攀瞰波濤哀涉歷走塵鞅清淮橋蟪蛄薄霧裘

驪驥風臺牛一鳴楠日觀鷄三唱團桑沃如蓋  
宿草亂若繚青帘客沽酒哀素氣漁收網心觀  
洙泗流眼豁恒岱爽追程騎侵雲楠勸畊農植  
杖俗厚喜豐登氣俠存慨慷伊河既東流哀維  
斗復北仰誰云風土殊始覺宇宙廣骨聳終超  
騰神清誰懍况鈞天夢豈真楠廣寒步空想銖  
衣入閭闔芥粒視北垧千官紫府榮九奏彤庭  
暢稿文剪金炬哀展案簇天仗清都踰咫尺弱  
水謾方丈絳旗雲霧開寶扇日月晃仁聲被八



表補德意昭群狂泥檢極封崇芬飶嚴聆蠻瑞

氣藹重重泰塔瞻兩兩駝峯出天厨東裏踈錫

中帑鳴珂接俊彦正笏遠偏黨德人咲採芝逋

客棄拾橡茅技要有方補矢來本無嚮湘纍但

壞詞補越相僅金像遭諛氣徒憤得計身何往

豈如及承平相與窮昭朗君行步飄飄我滯心

悵快輕霜着裘帽東微雪番草莽離歌起薰葭

古製却益盜先登匪一獲後至激孤獎城南燈

火深補塞北音書睽春風漸披拂膈水將混潑

詩成愈加險酒盡未為彊雙眸秋水炯東累語

春波盪經行度崎危交交希個儻羈遊棄楚荒

遠客憐齊愴光陰赤壁重補事業千金賞行還

馮塔題復親鴻都榜時來戒步窘事至勿技癢

脂膏本允近東鉄石乃忠讜詞林納疵美書田

計荒穰列仙會儒癯群仕過吏駟陸生強咿嘍

陶令終醜醜清心百立避正色上帝饗徒為捧

心施莫學畫眉故功名要無心造物端有相行

行遂初志操持記嶠業補

同永嘉李季和望鍾山聯句 丁復

鍾山日在望 匏繫未能往 我本忘世人 誰能

久塵鞅 窮猿尚擇木 冥鴻不離網 巢爾非斗

縻 迺此尺尋枉 枉川江互迢適 天地一莽實

霸氣遂終陳 山名猶姓蔣 榮羸結幽躋 技

如傾勝賞 蹇林萬虬伏 狎石群獸仰 雨晴虹

霓裂 雲熱鸛鶴響 靈骨瘞浮屠 癯趺踞方

丈 陟閣鷹巢危 闕戶蜂房敞 禪林舊稱一

梵剎 新聞兩蕊芻 化城喻 獬豸嚴駕上一人

斛小月 七佛築峻壤 後貌睥玉除 蜩斗骨

銀勝庸 超謝羶葷 媚禱懷膈蠻 俗子空卑栖

復至人廓 遐想相期訪 龍蟠 何如游鴈蕩 聰

明誦楞嚴 林昏過 魍魎終然千仞巔 極彼

九州廣 圓龕坐覓心 方具跪合掌 攬秀日顯

顯 討幽心 養養沈綿阻 客遊 爽塏聆人獎

境虛雲 壓闌 江遠浪浮槩 揮清宜 塵尾 翳

靜便鶴 髦域分三國 鼎 淮湊百川 輞喜彈青

綺冠 倦曳綠玉杖 朝情竟崎嶇 夜夢猶鬢

髣祝酒遣詩魔復搜句搔枝癢深推衆整宗光  
雄據諸峯長眼碧覽益遠復髯白聯苦強地籟  
息箕籟无天絲遺女紡金聲調危譯復石華繡  
卑礫騎驢約茲後无驚猿記疇曩質罄怨支離  
後果歸復莽蒼間休幼安席光敏奪雲門棒竹  
露曉余濕復松颺秋髮爽玉樹異風標光珠林  
列星朗躡履去後復早囊欣宿澆吊古重追  
尋光披荒增慨慷復  
剪燈聯句  
貢師泰

元夕同吳子考劉子清侯教文會飲水陽  
陳善甫家用剪燈聯句云

夜煖拈香繭春寒落剪刀考心連巧結貢綺思  
出長線點綴輕蟬翼吳裝粘細鳳毛光裝瑣  
碎貢雲葉護周遭影爍金垂燼侯融玉作膏  
舞裊團落絮劉歌扇逐飛桃帶轉銀幡小貢輪  
迴寶蓋高蜘蛛園露網吳頤兔墮秋毫鶯擲翻  
紅雪侯魚跳起碧濤春陽噓蛺蝶劉秋冷蛻切  
螭翠薄荷分鈿絲柔柳散條青童來絳節玉女

翳纖翻碎訝珠胎  
迸尖愁燕尾  
翺微茫縈錯落  
斜隙漏蒲萄  
飴釜空燒蠟  
棚山謾結鰲  
浮塵籠  
漠漠流水眩  
滔滔纂綺難  
為密裁  
綃祗自勞  
蟬娟妬清夜  
蟬竦落晴臯  
製異宮人綬  
榮懷學士  
綯未會分寶  
炬先許照欄  
袍劇賞尊  
頻倒窮搜  
筆屢操盃  
簪嘶驥  
裹奮袖舞  
豪曹酒促  
華筵散  
詩慚白戰  
鏖時平無  
夜禁繁弱  
且歸  
攷貢

集句體

集句者集古人之句以成篇也前古未有

宋王介甫始盛行之石曼卿以文為戲近  
代見之尤多雖未足以益後學庶幾有以  
見詩家組織之工也置之卷末孰云不可

集句餞張知事子中

盧摯

子中吾友秩滿總幕受代屬余訪予  
山中禮意良厚至今耿耿不能弭忘  
聞還衛有日逋客盧摯偶讀陶詩至  
一朝辭吏歸從我潁水濱有會於心  
遂集比成章遠寄祖席兼叙高義未

以為好也

和澤周三春桃李羅堂前勁風無榮木於我若  
浮烟與子相遇來傾蓋定前言歲月好已積玉  
石乃非堅一朝辭吏歸悠然見南山從我潁水  
濱虛室有餘閒故人賞我趣賴古多此賢吾駕  
不可迴悵恨獨策還靡靡秋已夕亭亭月將圓  
青松冠巖列白雲宿簷端此中有真意弱毫多  
所宣登高餞將歸路遐無由緣良才不隱世來  
會在何年

集淵明句題中甫員外稼亭

黃潛

東方有一士客養千金軀束帶候鳴雞出則陪  
文輿代耕本非望暫與園田踈園田日夢想投  
冠旋舊墟興言在茲春新疇復應畬田父有好  
懷過門更相呼披草共來往履歷周故居悠悠  
待秋稼時還讀我書雖未量歲功栖遲園多娛  
此事真復樂此語真不虛餞送傾皇朝歸予念  
前途前途當幾許直至東海隅古時功名士事  
事在中都遙遙沮溺心君情定何如

集淵明句題胡主簿嘉樹軒

孟夏草木長  
霜露憔悴之  
藹藹堂前林  
冬夏常如茲  
嚴霜九月中  
卓然見高枝  
如何捨此去  
白日掩荆扉  
深谷久應蕪  
此蔭獨不衰  
龜俛六九年  
懷此貞秀姿  
常恐負此懷  
未足為高栖  
及時當勉勵  
慷慨思南歸  
親戚共一處  
日夕歡相持  
披榛步荒墟  
登高賦新詩  
坐止高蔭下  
一觴聊可揮  
從今至歲寒  
縱心復何疑

未嘉王君自製挽歌辭蓋能安死生而未

忘情乎死生者也集淵明句以釋之

自古皆有歿我今始知之  
居常待其盡逝將不復疑  
人生無根蒂去來何依依  
既來孰不去奄去靡歸期  
復得返自然人所良可辭  
何事空立言念此懷悲懷  
日醉或能忘一觴聊可揮  
且極今朝樂千載非所知

集杜句述懷寄見心書記 釋至仁行中

宿鳥恋本枝  
南鴈意在北  
飄飄媿此身  
一歲四行後  
所憂盜賊多  
不獨凍餒迫  
東下姑蘇臺  
殘

年傍水國金銀佛寺開信美無與適細人尚姑  
息賢者貴為德之子曰玉温令我心悅懌晤語  
契深心洞徹有清識學貫天人際溟漲與筆力  
神功接混茫風雷纏地脉靈芝冠衆芳冰壺動  
瑤碧紫燕自超詣尤異是龍脊流傳必絕倫許  
與必詞伯喧爭懶着鞭飛騰知有策吾道屬艱  
難鸞鳳有鍛翻天門鬱嵯峨乘槎斷消息干戈  
尚縱橫道路時通塞願惟魯鈍姿養生終自惜  
桃源無處尋黎民糠粃窄故園莽丘墟夢歸歸  
未得悵彼高飛禽何以有羽翼匡山讀書處宿  
昔長荆棘陰房鬼火青戰地骸骨白內思書重  
寄看雲淡橫臆西江萬里舡終當掛曉席天寒  
鷓鴣呼北風破南極梅花已飛翻節序昨夜隔  
感激在知音善此豁平昔

集杜句題五馬圖

韓性

使君五馬一馬駘聲價倏然來向東飛電流雲  
絕瀟灑迥立閭闔生長風肉鬣磊磊連錢動大  
宛立仗青絲鞚不須對此成歎嗟古來才天難

為用

入安南絕不作詩清明感事集句 陳孚

十里宜春下苑花五年寒食住京華自憐慣識  
金蓮燭奉使虛隨八月槎

又

回首扶桑銅柱標芙蓉帳煖度春宵清明寒食  
誰家雨折戟沉沙鐵未消

又

水流花謝兩無情獨上高樓望帝京閑憶金明

池上路人生看得幾清明

又

江東行客思悠悠我亦不盡長江衮衮來寒食清明  
都過了鷓鴣飛上越王臺

又

台州地闊海冥冥真人踏金鰲背上行獨在異鄉  
為異客無花無酒過清明

又

慈母年高鶴髮垂鄉書無鴈到家遲初過寒食



一百六十一日思親十二時

又

共藉梨花作寒食  
孟光舉案與眉齊  
越裳翡翠無消息  
夜合花前日又西

又

寒食家家出古城  
滿川風雨看潮生  
八千里外飄零客  
起向朱櫻樹下行

又

一百五十一日寒食  
雨風光別我苦吟身  
尚書氣與

秋天香同是天涯流落人

又

海上乘槎上紫氛  
清明時節雨紛紛  
虎牙銅柱皆傾側  
水盡天南不見雲

元詩體要卷之八

元詩體要卷之九

姚江宋公傳編選

無題體

無題之詩起於唐李商隱多言閨情及宮  
事故隱諱不名而曰無題其間用隱語如  
身無綵鳳雙飛翼心有靈犀一點通春蠶  
到死絲方盡蠟炬成灰淚始乾之類可見  
此編効顰於李觀其辭運意之精亦庶幾  
唐人之可及矣

無題

馬祖常

瓦溝銀竹曙翻江。閣苑涼風滿看幢。鶴令寄來  
丹白一陶翁。歸去酒瓢雙梧桐。寂寞陳宮井薛  
荔扶疎玉女窓。天畔帝車呼小鳳。桂蕊流水夜  
淙淙。

又

鶴城十二疊。瑤光琪樹懸秋。四面香蟻蝶染花  
生粉白。坡瓊着酒暖。金黃薰鑪。寶臺憑荀令。燭  
釵閑吟。屬沈郎南國。鴈來書不至。江樓時為製

凝蝶粉舞衣。春暖妬鶯黃。渡江桃葉。應憐我照  
水荷花。似見郎歎息。蹇脩無復理。愁思慘。丰為  
縫裳。

又

乘槎準擬逐秋潮。却訪成都萬里橋。滄海有山  
皆縹緲。青雲無路不迢遙。間居潘岳驚班鬢。歸  
去陶潛懶折腰。後夜相期明月上。露臺高處弄  
笙簫。

又



原件短缺

驥服鹽車兩耳垂。臂無九折未成醫。欲尋箕穎終  
迷世。苦恨章逢不入時。金井鹿鳴知露冷。銀  
橋鵲度看星移。長貧久客應無補。擬挽滄浪塞  
漏卮。

次韻無題

袁楠

金縷歌殘月墮江。玉顏曾憶侍油幢。象床雲重  
恩專一。鯨錦波翻賜疊雙。春淺正宜羶作幕。夜  
涼深恨就為窓。浣沙可是無靈匹。側足寒江賤  
石淙。

又

翠簾匝匝護朱光。千葉官梅滿院香。問苑有鴛  
通尺素。虛橋無鵲寄流黃。上林賦罷歸巴蜀。興  
慶詞工調夜郎。不是月中親度曲。世人那解聽  
霓裳。

又

相期來似石城潮。日望晴空結綠橋。却月眉愁  
歌漸遠。凌波步近意非遙。袖琴有恨回清角。疊  
袖無塵轉綠腰。弄玉景憐隨鳳去。秋來誰與伴

吹簫

又

白髮詞臣兩耳垂。華髮堆馬。陋半醫宮娥引燭。催麻日院使傳宣。寫制時蠟。燃化生秋夕。賜翠標。壘勝歲華移。低頭欲說唐朝舊。願侍虛皇進玉卮。

自次無題

馬祖常

我山下錦成江。好買玄都翡翠幢。竹種篔簹。干萬箇鳥飛。漁。瀟。兩。三。雙。銅。龍。下。春。生。水。金。

馬神來霧歛。窓花落天台。招小隱。胡麻飯熟石淙淙。

又

切玉龍刀寶氣光。袷羅半臂麝膺香。荔支囊蜜。嬌嬌紫盧橘。團金顆顆黃。秦氏故侯更漢主。石家小婦嫁孫郎。江心誰鑄芙蓉鏡。照見姮娥織翠裳。

又

錢塘八月水生潮。筇竿千年竹作橋。篔簹織龍鬚。

天路近衣裁蟬翼渚宮遙雨  
中丞相金垂帶闌外將軍箭  
插腰無奈黃金匱買賦雲間  
學得伴皇簫

又

樂部常娘舞小垂病來能識  
翰林醫嗔人書奏三千牘  
勸客歌詩十二時金谷花枝  
隨雨盡石城江水逐潮移  
世間若有神仙術西去瑤池  
醉酒卮

無題

見時略略望遙遙有月闌干  
待袖招得巧蜘蛛絲縷細  
傳聲鸚鵡舌閑嬌仙家絃  
管寧無譜天上星河亦有  
橋雲雨或時消息斷不如  
朝暮石城潮

無題

貝闕珠宮夜不眠露華皓皓  
月娟娟不應又作人間夢  
窈窕吹簫度碧烟

詠物體

詠物起於唐末如雍陶池鷺  
鄭谷鷓鴣所

詠雖入外意而不失模寫之巧有足喜者  
周伯弼謂隨寓感興者易驗物功近者難  
此說是矣詠物景多今亦擇其入格者載  
之

第香

薛漢

竒芬擣精微纖莖挺脩直池輕雪消現火紅螢  
耀夕素烟裊雙縷暗馥生半室鼻觀靜裏參心  
原坐來息有客臭味同相看終未日

雙陸

揭傒斯

三五對參差高呼得采時猶疑雙出早每恨獨  
歸蓬散地偏難入全功或誤竒極知妨日力聊  
足審安危

廬鼻鍾聲

廬山三百寺何處扣層雲宿鳥月中起歸人湖  
上聞入空應更迥近瀑正難分遙想諸僧定香  
爐上文薰

漁笛

林景熙

三弄知何處蒼茫起釣舟閑將千古意吹入一



江秋鳴鴈顧殘侶寒風生別洲曲終何月臥無  
夢到涼州

釣絲風

連百正

短髮冷颼颼倚欄初下釣間來片水外輕弄一  
痕秋淺拂芦花亂低分柳影浮烟波清夢遠吹  
不到公侯

柳絮風

黃清老

三月韶光天氣清游絲舒捲太無情微飄簾幙  
當春晝亂撲庭臺似雪晴醉臉欲吹新燕弱舞

腰初軟落花輕江頭點點行人泪相逐離歌洒  
客程

藕花風

謝宗可

舞罷紅衣起未休水雲香裏冷颼颼五更清逼  
銀塘曉六月涼生玉井秋颼浪低翻霞影亂凌  
波輕漾錦香浮莫教吹醒鴛鴦夢好送真人一  
葉舟

梧桐雨

黃清老

曾將秋信報人知又與西風泣別離病綠滴殘

猶有洞題紅流去更無詩舊集鳳吟朝飛遠古  
井金寒曉汲遲待得楚臺雲散後却憑琴調寄  
相思

春晝

梁彥中

溪水橋无動綠墻雲山倒影蘸霞觴一庭芳樹  
清陰薄千尺遊絲白日長風細柳塘鶯語滑泥  
融花徑燕飛忙乾坤俯仰窺難盡花柳無私種  
種香

曉色

謝宗可

遠似烟霏近又空非明非夜兩朦朧一天清露  
洗難盡幾樹暗雲遮不窮斷角樓臺濃澹裏殘  
燈院落有無中蒼茫半逐雞聲散又被朝陽染  
作紅

潮

仇仁遠

一痕初見海門生頃刻長軀作怒聲萬馬突圍  
天鼓卒六鰲翻背雪山傾遠朝魏關心猶壯直  
到嚴灘勢始平寄語吳兒休踏浪天吳罔象正  
縱橫

元符卷九  
九  
愁

同怨

來時容易去何遲  
半在胸中半在眉  
門掩落花春去後  
窓涵殘月酒醒時  
濃如野外連天草  
亂似空中惹地絲  
除却五侯歌管地  
人間何處不相隨

人影

劉宗遠

不言不語過平生  
步步相隨似有情  
常向燈前同靜坐  
每於月下共閑行  
昨朝離去天將暝  
今且歸來日又晴  
最是行藏堪愛處  
頭身須要待

特明

淚

施鈞

懶髓空勞補舊痕  
離筵歌罷怨沾巾  
半江湘竹斑斑雨  
三月楊花點點春  
字濕錦機啼戍婦  
珠明綃室泣鮫人  
琵琶滴罷情深處  
洗盡青衫幾掬塵

梅

仇仁遠

為怕緇塵着素衣  
凍痕封盡放香遲  
月來忽送闌干影  
春到不分南北枝  
啼夢翠禽依樹宿  
斷

菟玉笛隔花吹從他萬片隨風去須有青青葉  
底時

又

夢想幽芳無處尋相逢依舊歲寒心要看月底  
玲瓏玉休折枝頭苦蕾金清曉風霜和艷冷黃  
昏庭院覺香深楊州一樹春多少端得何郎瘦  
不禁

紅梅

楊載

玉人中酒殢芳華盡壓東風百種花  
襖被春寒

栽異錦篝燈夜永障輕紗纖蕤露沁蜂腰鴈密  
蓋雲蒸鶴頂砂為問閣風何處在相期高舉籥  
晨霞

又

金德裕

醉臥西湖處士家夢回唯見赤城霞  
掩然冷艷隨春變依舊疎枝映月斜  
姑射冰姿凝絳螭羅浮雪骨換丹砂  
北人慣在江南住猶說前村有杏花

蟠梅

謝宗可

縈春絆碧綴蒼苔歲晚寒香宛轉來蛟螭凍雲  
冰骨瘦龍眠夜月玉麟開風霜氣勢後千折鐵  
石心腸亦九回祗為東君甘自屈不教枉占百  
花魁

落梅

謝宗可

玉褪寒稍粉褪英適將風雨亂飄零輕狂蝶翅  
嬌無力狼籍魚鱗嗅不星蒼石墮痕棋得路碧  
潭飛影鑑流星清香從少暗消散莫負黃昏月  
一庭

白蓮

三千宮額翠雲房洗褪鉛華試淡粧仙掌月明  
應自恁東林夢遠為誰芳波澄夜靜花無影露  
冷風清玉有香舞罷霓裳誰得似六郎清瘦比  
何裳

牡丹雨

西苑菊

楊妃菊

林景熙

昭陽舊恨逐風飄  
歲晚山中霜露饒  
彭澤歸來空自老  
中原舞破為誰嬌  
返魂碧海熏初炷  
宿

酒沈香暈不消亦  
是前身曾捧硯品題  
因得入詩瓢

花影

賣花聲

謝宗可

春光叫遍費千金  
紫韻紅腔細細吟  
幾處偶驚

游冶夢誰家不勤惜芳心響穿紅霧樓臺遠清  
逐香風巷陌深妝鏡美人聽未了綉簾低揭盡  
簷陰

松苑

柳翠

梨花萍

謝宗可

點綴離人恨已多水流雲散為消磨半篙晴漲  
星無數兩岸東風雪幾何脫白定知沾化雨取  
青應是藉恩波滿池好護蒼天影休送春歸繞  
汴河

麥浪

雪穗翻成淡水渦  
蕩漾終難浮釣艇  
潑來不覺濕漁策  
牧童錯認忙歸報  
盡道崆峒作海波

蒲劍

黃君瑞

三尺亭亭古太阿  
舞風斫斷一川波  
長橋有影蛟龍恨  
流水無聲日夜磨  
兩岸帶烟生殺氣  
五更彈雨雜漁歌  
蕭蕭只恐秋風至  
亂剗鋒芒恨

更多

海南鳥

劉因

越鳥群飛翔漠濱  
氣機千古見真純  
紇干風景今如此  
故國園林亦暮春  
精衛有情啣太華  
杜鵑無血到天津  
聲聲解墮金銅淚  
未信吳兒是木人

鶴夢

失名

九臯霜冷寂無聲  
一覺遊仙思更清  
風過松品酣未醒  
烟生茶竈倦還驚  
青田月下家千里  
赤



壁舟中夜幾更香暖紫芝初睡足莫教琴上玉  
絃鳴

睡燕

謝宗可

補巢啣得落花泥困倚東風倦翅低金屋晝閑  
隨蝶化玉堂春靜怕鶯啼翥飛漢殿人應遠夢  
入烏衣路欲迷却被捲簾人喚醒小橋流水夕  
陽西

鴈

端景元

年去年來無定年帛書曾寄漢英賢影橫蘄北

月連塞聲斷衡陽霜滿天雨暗荻花愁晚渚露  
香菰米樂秋田平生千里與萬里塵世網羅空  
自纏

鴈字

謝宗可

蘆花月底寄秋情陣影南飛寫不停一帶畫開  
湘水碧半行草破楚天青雲牋冷印虫書跡烟  
墨濃模鳥篆形題盡故鄉心事苦斷文無數落  
寒汀

又

失名

故園霜前省舊遊夕陽影裏見銀鈎都將塞北  
千年恨寫破江南萬里秋一畫如真橫遠漢數  
行帶草落平洲傳書莫到秦淮上明月蘆花客  
正愁

猶

唐琪

覓得狸奴太有情烏蟬一點抱唇生牡丹架暖  
眠春晝薄荷香濃醉曉晴分唾掌中頻洗面引  
兒窓下自呼名溪魚不惜朝朝買贏得書齋夜  
太平

懶猫

濟天岸

老子家無麈石儲多君分惠一狸奴職慙捕鼠  
飢何憾食不求魚飽有餘燭影炒熏聽課佛滿  
團竹几伴跏趺山童莫訝長尸素也護床頭自  
葉書

混堂

謝宗可

香泉湧出半池温難洗人間萬古塵混沌巖中  
天不曉淋漓氣底夜長春波濤鼓怒喧風雨雲  
霧垂陰護鬼神却咲相逢裸形國不知誰是浴

沂人

蟠梅屋

施鈞

盡珠宮殿玉闌干四壁玲瓏夜不閑  
梁棟廣平真鉄石根基和靖舊溪山  
乾坤虛白生方寸雲月昏黃共一間  
可咲三閭元不識蕙榜蓀壁水潺潺

破屋

失名

一番風雨一番顛捲我書齋屋頂穿  
紅日透光來枕上白雲拖影到床前  
小鑪煮茗烹明月古

硯濡毫蘸碧天寒士夜來讀周易  
燈光直射斗牛邊

五

四角稜層夜不収覆成行隴仰成溝  
能令有漏為無漏解使斜流作正流  
蟠竦一條橫脊上鴛鴦幾對宿簷頭  
莫言陶冶工夫小曾為吳王蓋九州

詩歌

謝宗可

兩蔓霜條老翠壺吟邊不是酒葫芦  
剖開架上

輪囷玉箸盡胸中錯落珠滿貯苦心留字甯深  
藏清氣付江湖誰家半腹能千首為問山人果  
在無

秃筆

王秋江

被擄深居未出林摧殘豈信有如今拔毛本欲  
利天下秃鬢方知負此心老死不歸刀吏手平  
生常得侍臣簪斯文功在終難泯月裏東君有  
好吟

筆陣

謝宗可

授策登壇拜墨鄉霜毫不用鐵為兵戰酣已拔  
三都壘奏捷還攻五字城怒卷龍蛇雲霧泣長  
驅風雨鬼神驚攀蟾獨掃千軍退功奪中書第  
一名

塔燈

馮海粟

擎天一柱碍雲低破暗功同日月齊半夜火龍  
蟠地軸八方星象下天梯光搖灑灑順沿珠蚌影  
落滄溟照水犀文燄逼人高萬丈倒提鉄筆向  
空題

鏡中燈

張周卿

孤影徘徊入照臨  
西風不動竟沉沉  
一池鉛汞鏘真火  
半夜金星犯太陰  
鷄翅拍時紅燄息  
蛾頭觸處碧光深  
從渠百煉千燒後  
依舊剛明一片心

馬騎燈

袁桶

功計凌烟作戰場  
宵征勇將太匆忙  
不聞號令齊驅疾  
自覺銜枚去路長  
燭裹春風塵赤壁  
光浮夜月燬阿房  
誰能跳出機關外  
不為功名紙

半張

走馬燈

謝宗可

鸞輪擁騎駕炎精  
飛繞人間不夜城  
風鬣追星低弄影  
霜蹄逐電去無聲  
秦軍夜潰咸陽火  
吳炬宵馳赤壁兵  
更憶雕鞍年少客  
章臺踏碎月華明

梅花燈籠

失名

翠節玲瓏玉骨涼  
分明照見鉄心腸  
一挑銀燭勾春色  
萬點金錢散夜光  
帶月橫霜踈弄影  
篩

金滿地暗生香幾回引馬歸來後青鳥無聲更  
漏長

菊枕

馬祖常

東籬未未數枝霜包裹西風入夢涼半夜歸心  
三運遠一囊秋色四屏香來頭未覺黃金盡鏡  
裏難教白髮長幾度醉來消不得臥收清氣入  
詩腸

梅杖

謝宗可

紫玉槎牙蝕蘚痕黃昏扶醉倍精神一枝冷曳

孤山雪八尺橫拖庾嶺春江路策時香在手溪  
橋桃月影隨人歸來却咲林和靖還現堂中上  
座身

琉璃簾

馬祖常

吳儂巧製玉玲瓏翡翠蝦鬚迥不同萬縷橫陳  
銀色界一塵不入水晶宮月華遠射離離白燈  
影斜穿細細紅相隔神仙終咫尺靈犀一點若  
為通

酒旗

謝宗可

水村山郭酒初香  
紵影青青字一行  
鑪畔低懸  
花霧濕簷陰  
斜揭柳風涼  
指揮意馬衝  
愁陣搖  
曳心旌入  
醉鄉  
惆悵步兵招不起  
半竿空自舞  
斜陽

釣絲

臨流織影衆  
鱗驚消得長縑一縷輕  
鈎墜亂縈  
春水碧竿垂  
斜裊曉風清  
牽回江上烟波  
夢掣  
斷人間富貴情  
我欲笑攜千尺去  
桃花浪裏  
鯤鯨

鞦韆

楊鵬翼

日轉華簷樹影偏  
謝家庭院簇神仙  
綵繩斜墜  
纖纖玉畫板  
輕承步步蓮  
弄玉未升霄漢上  
綠珠先墮綵樓前  
不知小徑殘紅裏  
明日何人拾  
翠鈿

又

春不花

芙蓉宮額半塗黃  
雙送鞦韆出畫牆  
簷底燕驚  
花雨亂樹頭  
蜂繞襪塵香  
巧將新月添眉黛  
閑倩東風響珮瑤  
歸去綠窓和困睡  
暫憑春夢到

遼陽

蓮葉舟

謝宗可

穩棹紅衣泛渺茫  
風帆浪揖水雲鄉  
曉撐泰華半峯月  
夜載西湖十里香  
藕放雪絲應作纜  
荷歌翠柄若為檣  
不須更捧金仙足  
太乙真人夢正涼

櫓

失名

斲木為竿駕客舟  
翩然快我下中流  
雙龍影落湘江晚  
百鴈聲傳楚岸秋  
素練撥開波浩渺  
黃

金攬碎月沉浮長  
灘鷗鷺多如雪  
一路驚飛不敢留

仙槎

謝宗可

曾作河源萬里舟  
塵根已斷臥蛟虬  
無心下土承烟雨  
有路層霄犯斗牛  
破浪遠衝銀漢曉  
凌風竟度碧天秋  
歸來載得支機石  
誰識人間博望侯

老龍琴

羅伯英

夔下曾聞霹靂聲  
流傳太古蓄精靈  
斷紋已作



蜿蜒勢焦尾猶存蚴蟻形案上青霄含霧雨壁  
間白晝隱雷霆鳳簫縹緲音相和相送群仙入  
杳冥

無絃琴

謝宗可

獨爾長縲底用抽蛇紋空鎖鳳枝秋落星有暈  
繩光斷凍瀑無聲練影收別鶴那聞風外泣孤  
鸞不向月中愁多情只有柔桑老窸窣山高水  
自流

鶴骨笛

賈策

九臯聲斷楚天秋玉頂丹砂一夕休枯朽挽回  
生死調淒涼吹盡古今愁魂歸遼海雲迷樹曲  
罷江城月滿樓惆悵主人三弄罷杳無消息到  
楊州

鉄笛詩寄楊廉夫

卞宜之

一段清水百鍊鋼曾翻宮徵待虛皇裂開黃鶴  
磯頭石驚落青鸞鏡裡霜仙子珮環新樂府翰  
林風月舊文章道人清節磨礪夕却咲桓伊獨  
據床

鐵笛為孟天瑞作

張翥

愛此輕圓鍊鑄成何須楚竹選孤生年多化作  
青蛇色夜靜吹如綵鳳聲鋪出碧花疑錯落冷  
涵金氣發鏗清最宜攜向君山去一聽仙翁奏  
月明

聞笛

何人吹笛傍江干木落淮南夜色寒三弄水邊  
人艤棹一聲雲杪客凭欄梅花簌簌吹應落楊  
柳依依折欲殘惆悵綠珠何處在綺窓深鎖月

漫漫

聞簫

王景初

緜山雲冷鳳臺空誰譜遺音泣玉龍興在碧桃  
春色底聲飄銀漢月明中悲來赤壁歌誰和老  
去青樓夢亦慵喚起愁心眠不得露筇寒倚一  
簾風

破帽

黃君瑞

破帽多情却戀頭草殘絲斷素塵浮烟籠長是  
煎茶日風落多逾把菊秋頂漏疎星窺短髮簷

垂缺月露双眸桃尖梭子青羅辦相對寧知故  
舊愁

蘆花被

貫雲石

採得蘆花不沈塵翠裘聊復藉為裯西風刮夢  
秋無際夜月生香雪滿身毛骨已隨天地老聲  
名不讓古今貧青綾莫為鴛鴦妬款乃聲中別  
有春

紙帳

謝宗可

清懸四壁刻溪霜高臥梅花月半床蠶瓮有天

春不老瑤臺無夜雪生香覺來虛白神光發睡  
去清閑好夢長一枕松無塵土氣何妨留我白

雲鄉

酒

黃君瑞

麴蘖生香出小槽幾人耽醉日陶陶咲吞鸚鵡  
杯中月貧典鷓鴣花下袍內府膺傳紅琥珀西  
京秋壓紫葡萄杜康儀狄今安在回首丘陵半  
是糟

碧筍酒

趙君謨

擎波老幹折蒼瑯  
酣飲何如吸海鯨  
象鼻捲冰收玉醴  
翠盤承露落金莖  
幾絲香溜葡萄滑  
九竅春濃琥珀傾  
莫恋醉鄉心更苦  
獨醒衣上為誰清

又

甘露無聲墮玉盤  
中天飛影動琅玕  
壚頭太白塵埃熱  
石眼空青米雪寒  
水泄尾閭來瀚海  
手扶砥柱障狂瀾  
麴生不用忙傾盞  
吸盡清香見肺肝

又

張雨

採綠誰將作羽觴  
使君亭上晚尊涼  
玉莖沁露心猶苦  
翠蓋擎雲手亦香  
飲海龜截蓮葉小  
吸川鯨恨藕絲長  
西風誤展淋卽袂  
笑絕耶溪窈窕娘

醉鄉

謝宗可

曾笑三閭不解遊  
移家欲向麴城頭  
人酣方外鴻荒夢  
誰識塵中富貴愁  
夜月放舡遊酒海  
春風扶杖上糟丘  
相逢還似無何有  
喚起東臯為

贈侯

又

張翥

半屬華胥半酒泉封君惟有麴生權觥籌席上  
無多地日月壺中別有天一日夢醒如隔世四  
時春盡不知年從來此處截身好容我神遊太  
古前

塵

謝宗可

人海深藏混混中非烟非霧遠空濛六街綺綉  
迷香紫九陌笙簫踏軟紅微步緩隨羅襪起清

歌飛繞盡梁空南來一騎蟻眉笑又送長安荔  
入宮

遊絲

搖曳春光百尺輕烟綃舞斷任縱橫暗縈芳恨  
應無力亂縮花愁似有情一縷綠楊風正軟半  
痕紅杏雨初晴莫教飛到天機上空悞龍梭織  
不成

綠陰

周石原

萬紫千紅夢已休眼中驚見翠光浮數聲啼鳥

無尋處幾度斜陽不入樓  
潤透琴書渾欲雨涼  
生未映已先秋此時蒲柳  
還多感莫遣西風一  
夜愁

又

顧困白

半載青羊領底髯結成蒼  
蓋倚空檐朝陽不放  
晴光墮宿雨待將  
曉色添蟬愛幽紛  
聲度枕鳥窺荒  
寂影翻蕉且須  
鵲護過長夏未  
怕秋霜遽作  
嚴

新月

周豈

稍向天邊落初從雲底生  
徒然似鉤曲能得幾  
時明

桃花馬

馬祖常

白毛紅點巧安排  
勾引春風上背來  
莫解雕鞍橋下洗  
恐隨流水泛天台

鄰燈

范梈

星星遠映孤村外  
烟烟微穿落木間  
知有鄰姬思遠道  
續麻應待夜深還

塵

貢師泰

春城花霧欲生泥十二街頭漫漫飛落絮遊絲  
共無賴染沾香汗半羅衣

無絃琴

申屠致遠

靜中有物即縈心物象相忘趣轉深為報紫桑  
陶處士無絃爭似更無琴

水仙花

商挺

海上三山壁月明人間誰識許飛璫秋風吹上  
青鸞背來散天香與素英

又

明月珠衣翡翠裳冰肌玉骨自清涼不隨玉母  
瑤池去來侍維摩病几傍

又

貢師泰

太液池邊雪姑乾曉粧初試珮珊珊簾鈎欲下  
東風細猶夢珠宮扇影寒

又

十二璫瑩風露寒銀河淡淡月團團龍宮自與  
塵丸隔別有銖衣白玉冠

木芙蓉

虞集

九月襄王宴渚宮霓旌翠羽度雲中滿汀山雨  
衣裳濕宋玉愁多賦未工

水芙蓉

長洲宮沼醉西施蕩漾蘭舟不自持願奉君王  
千歲樂一盤清露玉淋漓

元詩體要卷之九

元詩體要卷之十

姚江宋公傳編選

五言律

律詩號近體唐人始為之清遠華麗必諧  
音韻同伯攷謂有雍容渾厚之態而無堆  
積窒塞之患斯為妙也後人為之不備於  
枯瘠則流於輕俗不足採者多矣今擇其  
格律嚴整者錄之

春思

張澄



一春長作客連日苦多風野樹淒迷綠簷花黯  
淡紅愁隨詩卷積囊與酒樽空巢燕如相識頻  
來草舍中

春晝睡起

陳自堂

柳影年華度鶯聲午夢回偶然床置易政尔席  
凝埃隱几野花落閉門山雨來無人見愁緒歡  
伯一樽開

早春述懷

劉汶

春與年年別窮隨日日增眼明貪夜讀事少忘  
晨興倦鳥猶遷木潛魚已陟水栖遲唯故徹無  
夢到飛騰

秋晚

趙心遠

一曲菱波斷西風吹鬢髮秋隨荷葉老人到菊  
花間鳥弄竦烟外楓明落照間南山有清氣相  
對自怡顏

七夕

傅若金

耿耿玉京夜迢迢銀漢流影斜烏鵲樹光隱鳳  
凰樓雲虛張月星房冷閉秋遙恰天帝子辛

苦會牽牛

除夜與鄔進德

蔡明

客裏冬將盡惟君數見親  
可憐今夜雨同作異  
方人膈酒無鄉味  
征衫有客塵  
毋勞話岑寂  
明日又逢春

登武陽

劉因

朝遊樊子館  
晚上武陽城  
潮接滄溟近  
山後碣石生  
斷虹雲淡白  
返照雨踈明  
日莫悲風急  
樵歌已愴情

過奉先

閔遼承宋統  
此志亦雄哉  
置縣名猶在  
目山勢已摧  
百年元魏史  
千古汝南哀  
華表鶴應有  
悲風海上來

雜詩

聞昔蜚狐口  
奇兵入搗虛  
人才九州外  
天道百年餘  
草木皆成騎  
衣冠盡化魚  
遺民心膽破  
諱說戰爭初

雪岩樓觀

虞集

高閣丹青起中天紫翠分窓當太白靈門俯九  
疑雲伐木山人去吹簫帝子聞塵中歸未得春  
思轉紛紛

鄣南光武廟

陳孚

赤伏真天子玄圭袞藻明千年高邑廟一咲下  
江兵野鬪騰龍氣河流渡馬聲列侯冠劍合英  
彩儼如生

寄暢純父治中

姚燧

欲聞真息耗無使梓潼來

時報田

後開徒歌王粲賦不直士元才遙憶牛頭寺思  
親日幾迴

寄劉師魯

楊載

想君遊宦處正值洞庭湖落日波濤壯晴天島  
嶼孤舟航通漢沔風物覽衡巫天下文章弊非  
君孰起予

寄靜菴上人

貢師泰

細雨桐花晚微風麥氣秋王苻偏好學宋玉不  
勝愁世事同蕉鹿人心類棘猴何時虎溪上還

共遠師遊

名酒

虞集

名酒不可得幽花誰送來秋霜垂鬢髮夕照在  
棲臺盡日山翁醉何年庾信迴喚人吹玉笛移  
席坐蒼苔

尋故人

黃清老

適興一尋君君家在白雲幽花秋後見落葉夜  
深聞隨意坐苔石呼童煮澗芹不須談世事詩  
思正紛紛

昨遊

范梈

昨遊居士澗春入羽人丘面面山相引年年水  
自流乾坤雙蠟屐江海一漁舟知我能來否啼  
鴛去復留

輿病高厓道中作

姚燧

役役乾坤遠栖栖道路頻五年三入蜀十夢九  
歸秦瘴鬼偏凌客山英定喚人無勞問前渡祇  
覺白頭新

舟達黃溪

草木隨寒暑殊方勞悴同  
葦花蕪露白檉葉未  
霜紅日月雙飛鳥江湖一病翁  
晚來沙嶼上愁坐獨書空

度三花嶺

陳孚

絕壁三千丈荒村八九家  
黃茅青草瘴黑頁白  
章蛇橄欖高懸子芭蕉倒吐花  
嶺頭一回首何處是京華

岳陽樓待渡

高思恭

楚水凝千里湘雲隔萬層  
城高秋浦月星雜夜

船燈旅况天誰管年光  
鴈可憑放動淡山色相  
送過巴陵

以事暫如武昌發臨

揭傒斯

江轉欲無路山迴忽似圍  
客程秋共遠物色晚  
多疑稍稍沙鷗集忽忽野樹稀  
武昌今夜夢定有故人知

泊舟湘岸

李材

長沙今在眼青草舊知名  
二月風檣疾三湘雪浪平  
藤深帝子廟花發定王城  
暮艤江南岸鳴

鷓鴣處處聲

雨中過長沙湖

余闕

細雨洒秋色平湖生白波  
客心貪路急帆腹受風多  
落木生秋思驚禽避棹歌  
舟行不借酒兀坐柰愁何

趙氏南莊

許衡

曉起北窓涼清談戢羽觴  
入簾花氣重落紙燕泥香  
夢裏青山好吟邊白晝長  
秋風載書籍相對築茅堂

病中齋居雜詩

安熙

多病交游少相看動浹辰  
賦詩聊遣興觀化足怡神  
問事有知己過門無俗人  
伊誰同此樂願卜許東鄰

感事

姚燧

致位承疑地夔龍伯仲間  
星當朝北斗日已薄西山  
取謗因讐惡貪權失污閑  
此行雖鉄甲未足比慙顏

感懷

陳孚

濫直承明署身閑似地仙雖無官長罵未敢酒  
家眠瘦已寬朝眼貧猶乞酒錢窮愁親舍遠夢  
遶白雲邊

客寒

趙孟頫

夜雨鳴高枕春寒入弊袍時光自花柳吾意豈  
逢蒿失色黃金盡知音白雪高山林隱未得空  
覺此心勞

俞氏看雨軒

揭傒斯

慘澹來何處崩騰忽滿城遙連四山黑近洒半

江明可愛花開濕偏宜竹上聲中宵未可住高  
枕寄餘情

赤壁圖

虞集

迥鶴生新夢携魚憶舊遊清霜凋木葉落月湧  
江流隱者誰堪訪良田亦易求如何玉堂夜白  
髮不勝愁

錢舜舉畫

一樹花如雪清明客未歸坐看黃鳥並夢作綵  
雲飛翠袖寒猶薄羊車過絕稀相如能作賦月

下卷春衣

題黃觀瀾卷

貢師泰

碧天看不盡滄海去無邊氣涌風雷動光涵日月縣  
奇文方浩瀚餘景尚漪漣好種珊瑚樹他年繫釣船

分題得獲麟堆送李伯貞廉使往山東

正朔周王紀春秋魯國書瑞齊圖鳳鳥靈趾應  
關雎絕筆懷西狩揚鑣過舊墟泰山青萬古相對一躊躇

賦得鉅野澤送宋頤夫食事之山南

堤上柳沉沉春蒲泛清禽濟田東匯闊汶水北  
流深落日依中沚浮雲積太陰微茫看不盡渾似別時心

京下思歸

范梈

黃落薊門秋飄飄在遠遊不眠聞戍鼓多病憶  
歸舟甘雨後昏過繁星達曙流嚮非徐孺子萬口薄南州

送人遊廬山

張鳴善



曾到匡庐境，峻峰際碧空。萬松無路入，一水與天通。白鹿眠晴晝，清猿嘯晚風。洪厓如可約，吾亦訪雲中。

送吳生良遊金陵

楊維禎

十載辭京國，長懷玉笋班。鳳麟遊壁水，虎豹啓天關。野樹分秦雨，江雲隔楚山。北遊須努力，况子正紅顏。

泊普照寺贈湛講主

渡海曾無約，登山若有緣。相逢林下路，共飲石

間泉。棋落燈花雨，琴清柏子烟。明朝厭塵跡，從此學逃禪。

別弟

劉聞

一棹烟和水，寒燈弟與兄。殘年同別母，中道復分程。動有山河隔，難為去住情。如何沙上鴈，偏向夜中鳴。

有懷袁季源

周密

江樓深夜倚涼入，髮蕭蕭人隔東西。浙心隨早晚潮風，高孤月暈河澹萬星搖。欲寄今宵意，新

鴻不可招

黃尊師高軒觀鸞因留宿  
謁奚斯  
開軒南嶽下世事未曾聞  
落葉常疑雨方池半  
是雲偶尋騎鶴侶來此  
看鸞群一夜潺湲裏秋  
光得細分

晚過孔奉常舍下

范梈

滄江一萬里書信近如何  
向暮客懷薄及秋鄉  
夢多故人相慰藉  
並舍數經過但願長無事  
彤庭接珮珂

而坡即事

陳天錫

人境得佳趣青松處士家  
成行看過鴈數點落  
歸鴉風動竹凋葉  
秋高菊吐花開來  
媚幽獨吾志在烟霞

臨平即事

四月臨平路江蓮未著花  
清風隨客棹綠水護  
僧家對酒邀新月披襟  
抱彩霞晚來看盡處飛  
鷺下圓沙

李夏書事

歸夢繞滄洲胡為此滯番雨收三伏暑風送一  
帆秋汀樹層層出監花拍拍浮相思千里月人  
在海邊樓

江村雷雨

劉宗遠

雨脚何時住江流逐日深一寒逼衆務百慮集  
歸心夕景含飢色春光墮積陰去年携酒處月  
滿杏花林

淵明畫像

顧濟

無錢猶愛菊有酒即橫琴萬古醉不了一名閑

到今徑松存老節門柳積秋陰人畫歸來像誰  
傳歸去心

七言律

七言律難於五言律自唐沈佺期宋之問  
倡而為之研練精切穩順聲勢殆變陳隋  
萎靡之陋學者宗之號曰近體沈宋以下  
格律最多似難徧舉今擇其情景俱備體  
量適均無柔弱鄙俗之病有諧婉麗則之  
音首尾相應者列之

大明殿早朝

揚載

玉氣浮空御殿開  
金衣照日近臣來  
絲囊已進千秋錄  
斧座還稱萬壽杯  
王子吹簫雙鳳下  
羲和攬轡六龍回  
侍臣此日霑恩賜  
散作祥風遍九垓

元日朝回和裴都事

李林

海上瓊樓接五城  
人間歌吹近蓬瀛  
雲移雉尾旌旗動  
日射螭頭劍佩明  
拜舞盡隨仙仗入  
退朝遙認玉珂鳴  
欣欣百草含春意  
得傍東君暖

慶生

朝回次韻揚司業

吳澂

風吹仙鶴下瑤臺  
闔闔中間翠輦來  
雲擁紅光千丈正  
日行黃道九天開  
百官星拱環金闕  
萬壽聲回進玉盃  
共覩太平新氣象  
四方犴獄長春苔

六月十八日早朝寄山中諸友

吳全節

五年四覩六龍飛  
又領群仙覲紫微  
金殿雲烟浮黼几  
玉堦日月麗旌旗  
群臣奉匱勤三讓國

母臨朝重萬機  
遙食蟠桃知幾次  
客星還照釣魚磯

大明殿早朝聽赦

吳元德

玉檢泥封墨未乾  
紫衣捧出殿中間  
九重雨露頒春澤  
上界星辰綴曉班  
仗簇禁林環虎旅  
香消御座見龍顏  
微臣何幸沾恩寵  
未報涓埃兩鬢斑

興聖宮退朝口號

蹀躞青驄白玉珂  
百官朝會日相過  
天臨奎壁

星辰近雲覆  
蓬萊雨露多  
壽岳倚空開  
寶殿御溝流水遶  
金河微臣稽首無封事  
願進清平第一歌

十一月六日大明殿賀清祀禮成

張翥

大明宮殿彩雲間  
花底微風響珮環  
陛戟九重周虎士  
御筵咫尺望龍顏  
犬牙盤石諸侯豹  
尾鈎陳百辟班  
漏下五門朝退晚  
日邊佳氣滿西山

宣則門書事簡虞邵庵

泰不花

三月龍池柳色深碧桃烟煖日悄悄蜂粘落絮  
紫青瑣燕逐飛花避綠沉仙仗曉開班玉笋雲  
韶春奏錫瓊林從臣盡獻河東賦獨有楊雄得  
賜金

丁卯科及第謝恩崇天門

薩都刺

禁柳青青白玉橋無端春色上宮袍卿雲五彩  
中天見聖澤千年此日遭虎榜姓名書勅紙羽  
林冠蓋豎旌旄朝回龍尾頻回首午漏花深紫  
殿高

十月十九日詣光天門進三朝實錄 范禔

儀駕簇仗滿雲端玉鑰初開衆樂攢三后龍光  
周典冊群臣鵠志漢衣冠爐烟着日浮晴藹宮  
樹班霜試曉寒千舸龍頭都不見只傳學士拜

金鑾

庚午興聖殿進史

黃清光

環結初進侍明光日麗衆池晝刻長堤柳染成  
春水色宮花併入御爐香金壺洒露層塔滑玉  
椀分沫廣殿涼蒙叟似知天意喜鳳笙新奏五

雲章去歲...

勅賜恩榮宴 薩都刺

內侍傳宣下玉京四方多士預恩榮宮花墜帽

金牌重舞妓當筵翠袖輕銀甕春分官寺酒玉

盃香賜御厨羹小臣涓滴皆恩澤惟有丹心荅

聖明

大明殿侍宴 陳益稷

班陪玉笋侍紅雲日表熙熙瑞氣溫萬派朝宗

滄海闊衆星環拱紫宸尊雍容湛露歌詩什彷彿

佛鈞天入夢苑孤孽秘毫皆帝力願殫忠赤報

深恩

初科知貢舉 李孟

百年場盤事初行一夕文章聚帝京豹管敢窺

天下士龍頭誰占日邊名寬容極口論時事衣

被終身荷聖情願得真儒佐明主白頭應不負

平生

奎章閣讀進士卷 虞集

玉堂策士詔儒臣御筆親題墨色新省樹坐移

元符卷十  
簾底日宮壺  
賜殿頭春虞廷制作夔龍盛漢  
代文章賈董醇書閣暮年偏感遇但歌天保播  
皇仁

貢闈偶成

射宮圍棘斷經過間却秋聲太液波風定碧簾  
聞禁漏夜殘銀燭見星河仙人共對青藜杖詞  
客孤吟白玉坡弱水蓬萊五萬里不知何處月  
明多

觀祀南郊和李學士韻

雅瓊

帝乘法駕即南郊夾仗旌旗雜羽旄日月並行  
黃道迥三辰環拱紫壇高皇心奕奕承天貺玄  
象昭昭答聖勞欲吐妍詞誇懿典愧如楊馬涉  
風騷

又

萬戶網緼寶篆香五雲飛處望龍章旌旗向日  
珠璣瑩繖扇迎風錦繡張玄衮有文皆黼黻彤  
盤無燎亦榮煌相承禮樂真儒事阿閣新巢有  
鳳凰



駕政柳林隨侍

陳益稷

仙仗平明擁翠華  
景陽鍾發海東霞  
千官捧日臨春殿  
萬騎屯雲動曉沙  
白鷄躡翻山霧薄  
黃龍旗拂柳風斜  
太平氣象民同樂  
南北梯航共一家

壽平章李韓公

趙孟頫

瑞鍾光岳應時需  
日上天衢手自扶  
八表同風開壽域  
五雲異彩映台符  
經綸至治歸賢相  
陶冶斯文屬大儒  
為國白頭身未老  
掌中行見有明珠

明珠

壽王趙公八十

儒門弭節下蓬瀛  
燕處超然鶴骨清  
周室龍韜師尚父  
漢廷鳩杖賜桓榮  
中州大國封全趙  
東閣賢良位列卿  
白髮同僚欣盛事  
年年來此慶長生

壽不忽木相公

新築沙堤凍未晞  
雪餘愛日轉春暉  
黃鍾律應迎中氣  
執法星明拱太微  
儀鳳自因夔樂至  
祥

麟寧假豸冠威明堂正尔思梁棟赤芾行看副  
衮衣

壽王左丞

傅若金

南極諸星映赤霄東風二月滿青條焚香鳳閣  
春闈晏鳴玉龍墀午散朝但使經綸齊稷契不  
勞服食慕松喬日長自度昇平曲聞聽雲間合  
九韶

壽饒國公

楊載

可樂無如父母全既賢既貴又長年金壺賜出

青雲上玉珮朝舞白日邊楚木論春猶五百蟠  
桃稱壽必三千似聞黃綺歸來後長向山中作  
隱仙

壽劉邢公

王士熙

詔下金鑿第一聽春風湛露讌趨庭嘉辰又紱  
蒼龍角仙侶同駮白鶴翎衛武高年猶入相常  
賢老日只傳經崆峒別有長生訣杖几凝香酒  
半醒

壽在齋傅左丞

張翥

六朝名德仰巍巍未許家園久息機霜雨帝方  
忘改作衮衣人更望公卿南山一柱櫺中土左  
轄三星近太微欲向賓筵頌眉壽寸心遙與白  
雲飛

壽丞旨張疇齋

薛漢

鍾王書法得精微每日霜毫不厭揮相業曲江  
金鑑錄幽懷西塞綠蓑衣蟠桃開日三千歲古  
栢參天四十圍應與赤松相伴約他年名遂早  
知幾

元日

李兩山

筍班玉立五雲階曾醉天家舞馬杯坐困庾樓  
分月久明從堯殿帶春來洪鈞煖入官橋柳金  
鼎香傳駟使梅爆竹一聲春夢曉沉香亭北牡  
丹開

正旦有感

鄧文原

干戈短景去匆匆回首南朝一夢中世事盡隨  
天道北春正依舊斗杓東四時玉燭堪調燮萬  
國車書想混同寂寞荒山老松樹看渠梅柳競

春風

京師上元夜

雅琥

華月澄澄宿霧收  
萬家燈火見皇州  
天閣虎豹依霄漢  
人海魚龍混斗牛  
公子錦鞵鳴玉勒  
內家珠箔控銀鈎  
道傍亦有楊雄宅  
寂寞芸窗冷似秋

都門春日

李材

紫陌香塵逐玉珂  
彤樓花暗弄雲和  
光風已轉瀛洲豈  
細雨微生太液波  
月榭管絃鳴曙早  
水

亭簾幕受寒多少  
少年易感傷春思  
喚取青娥對酒歌

京城春日

薩都刺

三月京城飛柳花  
燕姬白馬少紅車  
旌旗日暖將軍府  
絃管春深宰相家  
小海銀魚吹白浪  
層樓珠酒出紅霞  
寒驢破帽杜陵客  
獻賦歸來日未斜

西宮春日

九重五色金銀闕  
冠帶將軍盡羽林  
上苑春鶯

隨柳轉西宮午漏隔花深天開闔闔收金鎖  
捲奎章聽玉音白髮儒臣賣詞賦長門應費萬黃金

都中寒食

楊鵬翼

芳草青青湖上路少年遊冶不知回烟花一望  
春無盡雲水相參雨欲來文浪放舡重聽樂天  
風吹酒獨登臺看圖萬里逢寒食車馬傾城起  
暮埃

清明省墓

鄧文原

短棹吳歌花滿川春帆愁斷蓼莪篇小溪蘋藻  
璠間祭春雨桑麻墓下田黃壤有靈終異土青  
山無樹半荒阡傷哉巴峽松楸路狐兔蒼寒六  
十年

暮春即事

李仲淵

垂柳陰陰雪擁沙殘陽淡淡水明霞夜來枕上  
初聞雨今日枝頭不見花啼鳥已傳春去信狂  
蜂猶趁晚來衙柴門盡日無人到讀罷離騷自  
煮茶

禁城秋夕

李材

絳宮星淡海無波九陌猶聞動玉珂  
闔闔微雲藏夕漏建章明月掛秋河  
此身天地流萍遠故國關山落木多  
欲聽鈞天塵夢隔紫簫吹盡桂婆娑

宗陽宮翫月

楊載

老君臺上涼如水坐看水輪轉二更大地山河  
微有影九天風露寂無聲蛟龍並起水金榜  
鳳雙飛載玉笙不信弱流三萬里此身今夕到

蓬瀛

秋懷和姚子敬

趙孟頫

落日孤城動鼓鼙樓中畫角不勝吹山川蕭瑟  
秋容淨草木凋傷暮雨悲多病馬卿聊假日數  
奇李廣不逢時捲簾白水青山外隱几無言有  
所思

又

吳宮烟冷水空流慘淡風雲黯素秋禾黍故基  
曾駐輦芙蓉高閣迥添愁繡楹錦柱蛟龍泣金

沓瑤階鹿豕遊宋玉平生家蕭瑟欲將九辨賦  
離憂

又

銅雀春深漢苑空邯鄲月冷照秦宮烟花樓閣  
西風裏錦繡湖山落照中河水南來非禹迹冀  
方北去有唐風溪城秋色催逢暮愁對黃雲渡  
斷鴻

又

搔首風塵雙短鬢側身天地一儒冠中原人物

思王猛江左功臣憶謝安首箱秋高戎馬健江  
湖日短白鷗寒金樽綠酒無錢共安得愁中却  
盡歡

又

野曠天低木葉疎水清沙白鳥相呼胡笳處處  
軍麾滿鬼哭村村漢月孤新亭舉目山河異故  
國傷神夢寐俱黃菊欲開人臥病可憐三逕已  
荒蕪

秋夕

元好問

小簟涼多睡思清一窓風雨送秋聲頻年但覺  
貂裘弊萬古何曾馬角生寄食甘依嚴尹幕附  
書誰往鄧州城消愁欲問東家酒恨殺寒鷄不  
肯鳴

秋思

杜瑛

壯心忽忽劇懸旌秋氣能令客子驚白鴈不聞  
雲外過清霜先向鬢邊生銅駝巷陌周東上金  
鳳樓臺鄴北城千古繁華俱一夢空餘草木戰  
風聲

秋江感

貫雲石

澄淨秋江一舸輕不堪踪跡樂平生西風兩鬢  
山河在落日滿船鴻鴈聲村酒尚存黃閣醉短  
檠猶照玉關情料應今夜懷鄉夢殘葉蕭蕭月  
二更

秋曉睡覺

陳益稷

海水盈盈漏轉籌霜風吹角出譙樓夢回淡月  
五更曉心遠孤雲萬里秋玉帛幾年賓上國詩  
書半世老中州平生事業渾如昨無奈青燈照



白頭

京都和馬伯庸尚書韻

曹元用

灤水橋邊御道西  
酒旗閑掛夕陽低  
春後玉樹陰中老  
雲補蒼山缺處齊  
畫戟遙臨青瑣闥  
紫駟解惜錦障泥  
鳳鳶自為明時出  
宜傍上林高處棲

又

柳簇金溝蘸碧波  
雲深貝闕瞰重坡  
鳳凰曲奏鈞天樂  
烏鵲橋通織女河  
萬井閭閻春浩蕩  
六

街車馬曉陂陀  
山人素有林泉興  
柰此承明侍從何

開平即事

陳孚

天開地闢帝王州  
朔風雲拱上游鵬  
影遠盤青海月  
鴈聲斜度黑山秋  
龍岡上遠三千陌  
月殿香飄十二樓  
莫咲青衫窮太史  
御烟曾見袞龍浮

鳳凰山

浮屠百尺聳亭亭  
落日鴉啼野蔓青  
故國盡消

龍虎氣荒山空帶鳳凰形金根輦路迎禪駕玉  
樹歌臺語梵玲惟有錢塘江上月年年隨鴈過  
寒汀

麻姑山

郝天挺

路入雲關仙境佳瓊田瑤草帶烟霞貯經洞古  
留遺檢卷藥爐存失舊砂青鳥不傳金母信紫  
寫應返玉皇家岩扉不掩長春在開盡碧桃千  
樹花

鑑湖

李孝光

賀家湖裏見秋風放翁宅前東復東兩行雲樹  
忽遠近十里荷花能白紅行人濯足銀河上越  
女梳頭青鏡中我欲張帆上南斗扶桑碧海與  
天通

桃花渡

萬石德躬

江上青青楊柳枝人家萬竹閉柴扉春風應候  
花爭發社雨生寒燕未歸半樹木蘭依岸綠一  
行鷓鴣背人飛濯纓空憶滄浪思不及漁郎有  
釣磯

函谷關

施鈞

倚天樓閣勢崔嵬曾為鷄鳴半夜開  
百二山河秦社變三千禮樂漢宮來  
公孫白馬終難度老子青牛更不迴  
當日東封聽此計泥丸飛作變  
驚埃

番禺道中

聶古栢

玉斧飛霜大庾南萬松深翠洗烟嵐  
雲迷梧野山羅戟月滿韶江水  
潑藍椰子漿寒甘似蜜荔枝香暖  
絕勝柑中朝者舊如相問鳥語秋凋正

未堪

秋仁傑墓

楊果

北鷄聲裏紫宸寒神器都歸竊弄間  
一語喚回鸚鵡夢九霄奪得鳳雛還  
堯墳寂寞臨官道清節孤高直太山  
為問摸稜蘇相國當年相見果何顏

武穆王墓

趙孟頫

鄂王墳上草離離秋日荒涼石獸危  
南渡君臣輕社稷中原父老望旌麾  
英雄已死嗟何及天

下中分遂不支莫向西湖歌曲水光山色不  
勝悲

岳王墓

潘絕

湖水春來自綠波  
空林人迹少經過  
夜寒石馬嘶風雨  
日落山精泣薜蘿  
江左長城真自壞  
鄴中明月竟誰歌  
惟餘滿地蒼弘血  
芳草年深碧更多

長安懷古

楊奐

此心直欲作東周  
再到長安已白頭  
往事無憑

空擊磬故人何處獨登樓  
月搖銀海秦陵夜露滴金莖  
漢殿秋落日酒醒雙淚眼  
幾時清渭向西流

洛陽懷古

楊果

洛陽雲樹鬱崔嵬  
落日行人首重回  
山勢忽從平野斷  
河聲偏到故宮哀  
五噫擬逐梁鴻去  
六印休驚季子來  
惆悵青槐舊時路  
年年無數野棠開

燕中懷古

李源道

荆卿墓上草離離郭隗臺邊對落暉戰國山川  
秋氣壯中原豪傑曉星稀乾坤納納無人識南  
北年年有鴈飛說似灤溝橋畔柳安排青眼送  
將歸

錢塘懷古

趙孟頫

東南都會帝王州三月鶯花非舊遊故國金人  
泣舜漢當年玉馬去朝周湖山靡靡今猶在江  
水悠悠只自流千古興亡盡如此春風麥秀使  
人愁

又

潘純

海門寒日淡無輝偃月堂深玉漏稀萬竈黥歙  
江上老兩宮環珮月中歸內園羯鼓催花發小  
院珠簾看雪飛不道帳前胡旋舞有人行酒着  
青衣

又

陳廷言

越水吳山共寂寥已無遺老話前朝海門三日  
朝聲歇天目千年王氣消夜月烏啼龍井樹春  
風花落海鮮橋威儀文物今何在回首浮屠倚

碧霄

又

施鈞

三日無潮事可哀  
坐觀天塹起征埃  
不期雲氣隨龍去  
空有山形舞鳳來  
宇宙已收新日月  
烟霞猶鎖舊樓臺  
後庭玉樹知何在  
又是春風兩度開

咸陽懷古

咸陽秋色草離離  
千古愁雲鎖翠微  
黃犬已亡秦鹿失  
白蛇初斷漢龍飛  
烟消故國空流水  
樹

老荒城自落  
暉應是驪山九泉下  
死魂猶望採芝歸

蘇臺懷古

汪元量

靈岩寺古樹森羅  
滿目興亡落逝波  
越相舟中西子去  
楚王宮裏北人過  
歌臺日暖遊麋鹿  
禁苑風高走駱駝  
却羨老僧無一事  
自携鋤鋤入烟蘿

汴梁懷古

雅琥

花石岡前麋鹿過  
中原秋色動關河  
欲詢故國

傷心事忍聽前朝皓齒歌  
蔓草無風嘶石馬  
荆榛有月泣銅駝  
人間富貴皆如夢  
不獨興亡感慨多

彭城懷古

貢師泰

戲馬臺前擁旆旌  
三齊才破到彭城  
項王帳底猶虞舞  
漢祖軍中盡楚聲  
百二山河功自棄  
八千子弟勢都傾  
月明閒却烏江渡  
長使英雄恨不平

南宋故墓

楊子承

天下車書正一家  
數逢陽九亂如麻  
兩朝北狩過天寶  
四海南奔類永嘉  
陵寢可憐分異域  
衣冠不復返中華  
鳳簫吹悞錢塘月  
誰念黃龍慘暮笳

賈相故邸

潘喆

相業如何不到頭  
諸公歷歷頌伊周  
夢迷葛嶺酣歌夜  
鬼哭樊城血戰秋  
誤國正須憂六尺  
潰師寧忍駕孤舟  
木綿菴裏催歸早  
誰掩湖山富貴羞

西漢故都

施鈞

漢室龍興四百秋  
西風依舊水東流  
當年金馬知何在  
此日銅仙泣未休  
三國山河分霸業  
兩都烟雨變荒丘  
曹瞞不軌心何忍  
忘却平陽是列侯

武昌故內

烟樹蒼茫水渺茫  
古今人物幾興亡  
鳳凰山冷雲猶合  
鸚鵡洲荒草亦香  
江外鴈聲吳地遠  
雨餘秋色楚天涼  
停鞭欲問曹劉事  
一曲漁歌又

夕陽

館娃宮故址

苧蘿雲物媚脩容  
玉燕金鷲送入宮  
吳下諫臣終受戮  
越中書史不言功  
烏啼落月霜初曉  
鹿走春風草亦空  
香徑獮廊隨世換  
倚岩惟有寺樓紅

漢武帝

徐秋雲

萬戶千門禁漏遲  
建章花發錦成幃  
瑤池有信青鸞至  
金屋無人白燕飛  
風起輪臺春寂寂  
露



零仙掌月輝輝樓船簫鼓繁華夢汾上年年只  
鴈歸

唐明皇

太平風月屬三郎羯鼓聲中思轉長天子錦纏  
娛魏國貴妃音律教寧王人歸巫峽山空在花  
落溫泉水更香誰信蓬萊青鳥使回來無語怨  
漁陽

杜子美

錢惟善

四郊多壘未還鄉又別潼關謁鳳翔九廟君臣

同避難十年弟妹各殊方中興百戰洗兵甲萬  
里一身愁虎狼窳窳羈懷窮獨叟按歌懷古恨  
茫茫

淮陰侯

錢士龍

弓藏鳥死壯心摧楚破齊平夢一回自是假王  
先賈禍非干真主不憐才生嫌絳灌為儕伍死  
與英彭化劫灰惆悵無因見漂母王孫還起後  
人哀

八

與我... 詩... 卷... 十... 元... 詩... 體... 要... 卷... 之... 十... 元... 詩... 體... 要... 卷... 之... 十... 元... 詩... 體... 要... 卷... 之... 十...

元詩體要卷之十

元... 詩... 體... 要... 卷... 之... 十... 元... 詩... 體... 要... 卷... 之... 十... 元... 詩... 體... 要... 卷... 之... 十...



